



Centimetres
TIFFEN Color Control Patches
© The Tiffen Company, 2007

22-238
7772-1
=9





五代史記卷第十一

廬陵歐陽脩撰

南昌彭元瑞注



北京師範大學圖書館藏



徐無黨原注

劉鳳誥排次

周本紀第十一

二年春正月甲子侍衛步軍都指揮使曹英為兗州行

營都部署

五代史曹英字德秀舊名犯太祖廟諱故改為

列校英因得隸于鎔之帳下及張文禮之亂唐莊宗奄

有其地乃錄鎔之左右署為散指揮使明宗即位英侍

十仗下問其祖考英以實對明宗曰乃朕之舊也擢為

本班行首每加顧遇晉天福中遷怒手軍使平張從賓

于汜水以功授本軍都校漢初改奉國軍主加檢校司

長史記卷第十一 周本紀

武節度使檢校太傅侍衛步軍都指揮使二年春總兵
討慕容彥超于兗州梯衝塹壘頗有力焉夏五月太祖
親征因併兵攻陷其城及凱旋領彰信軍節度使自
如故世宗嗣位加同平章事授成德軍節度使車駕自
太原邇加兼侍中顯德元年冬卒于鎮時年四十九
制贈中書令英性沈厚謙恭有禮雖在席之際接對賓
客亦未嘗造次及卒搢紳之士亦皆惜之太廟諱故
曹英字德秀為成德軍節度使舊名犯太廟諱故改焉
庚午高麗王昭使其廣評侍郎徐逢來五代史廣順二
朔不受朝賀以宿兵在外故也庚申王峻奏起近鎮丁
夫二萬城晉州王戌脩東京羅城凡役丁夫五萬五千
兩旬而罷甲子以侍衛步軍都指揮使曹英為兗州行
營都部署以齊州防禦使延韜為副部署以皇城使
向訓為兵馬都監陳州防禦使藥元福為馬步都虞候
率兵討慕容彥超諸軍入兗州界不得下路停止村舍
犯者以軍法從事丙寅徐州巡檢供官張令彬奏破
淮賊于沐陽斬首千餘級擒賊將燕敬權時慕容彥超
求援于淮南淮南偽主李景發兵援之師于下邳聞官
車至退趨沐陽遂破之庚午高麗權知國事王昭遣使

貢方物壬申鎮州何福進差人部送先擒獲到河東賊
軍二百餘人至闕下詔給中履衫袴以釋之戊寅徐州
部送沐陽所獲賊將燕敬權等四人至闕下詔賜衣服
金帛放歸本土敬權等感泣謝罪帝召見謂之曰夫惡
兇邪獎忠順天下一也我之賊臣撓亂國法嬰城作逆
殃及生靈不意吳人助茲凶慝非良算也爾歸當言之
于爾君初漢末遣三司軍將路昌祚及敬權自大朝歸
南將邊鎬陷長沙景祚被賊送金陵及敬權自大朝歸
具以帝言告于李景廣被恩沾隣土深有依附國家之意
美大朝皇帝聖德廣被恩沾隣土深有依附國家之意
及罷遣偽宰相宋齊邱晏昌祚于別館又令訪昌祚在
湖南遭變之時亡失綱運之數命依數償之給茗菴萬
八千斤遣水運至江夏二月庚寅府州防禦使折德展
仍厚給行裝遣之歸闕二月庚寅府州防禦使折德展
克尙嵐軍五代史嵐軍破之斬首二千級辛卯
太白經天癸巳以權知高麗國事王昭為高麗國王庚
子府州防禦使折德展奏收河東界嶺嶺軍辛丑詔先
獲河東鄉軍一百餘人各給錢鞋放歸鄉里壬寅太子
太師致仕安審暉卒東都事畧折德展世居雲中父

通鑑卷一百一十五 周本紀

從阮自晉以來仕周至靜難軍節度使五代史有傳從
阮鎮府州以德展為牙校漢初領勝州刺史世宗建府
州為永安軍以三月丁巳朔寒食望祭于郊戊辰內客
德展為節度使

省使鄭仁誨為樞密副使翟光鄴罷五代史三月庚申
幸南莊令從臣習

射戊辰以樞密院直學士左諫議大夫王溥為中書舍
人充翰林學士以內客省使恩州團練使鄭仁誨為樞

密副使詔宣徽北院使翟光鄴權知永興軍府事甲戌
回鶻遣使貢方物庚辰詔西京莊宅司內侍省宮苑司

內園等四司所管諸巡繫稅戶諸莊園林亭殿房舍什
物課利宣令逐夏五代史夏四月丙戌朔日有食之帝

司依舊收管夏避正殿百官守司丁亥朔日有食之帝
軍戊子以京師早分命羣臣禱雨癸巳制削奪慕容彦

超在官爵甲午高麗國冊使衛尉卿劉皞卒乙卯詔
取來月五日車駕赴兗州城下慰勞將士以樞密副使

鄭仁誨為右衛大將軍依前充職兼權大內都點檢以
中書侍郎平章事判三司李穀五月庚申東征李穀留

為權東京留守兼判開封府事

守東都鄭仁誨為大內都點檢癸亥次曹州赦流罪以

下囚乙亥兗州原注彥超投井壬午赦兗州五代史

辰朔帝御崇元殿受朝仗衛如儀庚申車駕發京師戊
辰至兗州城下乙亥收復兗州斬慕容彦超夷其族詔

端明殿學士顏衍權知兗州軍州事壬午曲赦兗州管
內罪人取五月二十七日巳前所犯罪大辟已下咸赦

除之慕容彦超徒黨有逃避潛竄者及城內將吏等並
放罪自慕容容超遠背已來鄉城內有接便為非者一

切不問諸軍將士死于王事者各與贖贈都頭已上與
贈官兗州城內及官軍下寨四面去州五里內今年所

徵夏秋稅及沿徵錢物並放十里內只放一州管界今
夏苗子三分放一分城內百姓遭毀拆舍屋及遭燒焚

者給賜材木諸處差役人夫內有遭矢石死者各給絹
三匹仍放戶下三年徭役云未詔兗州降為防禦州

仍為望州五代會要周廣順二年五月車駕親征兗州
州御札宣示沿路側近節度防禦團練使刺史不得離

本州府來赴朝覲其隨駕一防禦團練使刺史不得離
備差使臣勾當仍預告報一路州縣並不得別有排比

其隨從臣寮外內諸司官中已有供給州縣亦不得別
有破費祇供其要載動用什物等亦已指揮備辦如
少之時候見宣命即供祇應不得預前排比如衷私
人小取索並不得應副或軍部及諸色人于途路有
肆買些須食物先還價錢兩京留司百官祇于遞中附
表起居時熱不用差官至行在所沿路指揮事件車駕
回日亦依此施行冊府元龜周太祖廣順二年六月
五月以平定兗州臬夷逆黨差官告社稷郊廟
乙酉朔幸曲阜祠孔子庚子至自兗州五代史六月乙
縣謁孔子祠既奠將致拜左右曰仲尼人臣也無致拜
帝曰文宣王百代帝王師也所得無敬乎即拜奠于祠前
其所奠酒器銀鑪並留于祠所遂幸孔林拜孔子墓帝
謂近臣曰仲尼亞聖之後今有何人對曰前曲阜令襲
文宣公孔仁玉是仲尼四十二代孫有鄉貢三禮顏涉
是顏淵之後即召見仁玉賜緋口授曲阜令顏涉授主
簿便令視事仍勅兗州脩葺孔子祠宇墓側禁樵採丙
戌車駕還朝初帝以五月脩葺孔子祠宇墓側禁樵採丙
十七日晝夢道士一人進書卷首云車駕來月二日還
京其下文字絕多不能盡記既寤以夢告宰臣又四日

而城拔帝至軍凡駐蹕九日而賊平果以六月二日發
離城下近代親征克捷無如此之速也是日大雨城下
行宮水深數尺當為潦所溺矣戊戌車駕至自兗州辛
若不離城下則當為潦所溺矣戊戌車駕至自兗州辛
丑以靈武節度使馮暉卒輟朝一日壬寅前翰林學士
李澣自契丹中上表陳奏機事且言偽幽州節度使蕭
海貞欲謀嚮化帝甚嘉之癸卯德妃董氏薨乙巳詔宣
徽南院使袁義判開封府事辛亥以朔方軍衙內都虞
候馮繼業起復為朔方軍馬留後甲寅幸舊宅為德
妃舉哀故也復為朔方軍馬留後甲寅幸舊宅為德
四十三代孫前曲阜縣令周順二年六月以文宣王
緋魚袋以亞聖顏淵裔孫顏涉為曲阜縣主簿仍勅
州脩葺孔子墓側禁樵採時車駕親征兗州初平遂幸
曲阜謁孔子祠既奠將致拜左右曰仲尼人臣也無致
之禮上曰文宣王師也所得無拜之即拜奠于祠前
又二禮上曰文宣王師也所得無拜之即拜奠于祠前
史補高祖登極乾祐為廣順是年兗州慕容彦超反
高祖親征城將破忽夜夢一人狀貌甚偉異被王者之
服謂兆如此可預備乎于是躬督將士戮力急攻至
謂徵兆如此可預備乎于是躬督將士戮力急攻至

長史記卷第七下 周本紀

四

午而城陷車駕將入有司請由生方鳴鞘而進遂取別
巷轉數曲見一處門牆甚高大問之云夫子廟高祖意
豁然謂近臣曰寡人所夢得非夫子乎不然何取路于
此也因下馬觀之方升堂觀其聖像一如夢中所見者
于是大喜叩首再拜近臣或諫以為天子不拜異世
陪臣高祖曰夫子聖人也百王取則而天子不合拜
非夫子幽贊所及耶安得不拜乃以廟側數十畝
家為洒掃戶命孔氏襲文宣王者長為本縣令秋五代
七月丙辰詔內外臣寮每遇一齋侍衛親軍都指揮
書門下與文武百官共設一齋使內諸司使已下共
下共設一齋使內諸司使已下共設一齋使內諸司使已
任職破屋拔樹尚書省都堂有龍穿屋壞獸角而去
風雨爪迹存焉襄州大水下如龍穿屋壞獸角而去
壁有爪迹存焉襄州大水下如龍穿屋壞獸角而去
鎮使以侍衛馬軍都指揮使洋州節度使郭崇為陳州節
度使以侍衛馬軍都指揮使洋州節度使郭崇為陳州節
軍如故以陳州防禦使藥元福為晉州節度使辛未詔
相州節度使李筠權知潞州軍州事丙子以辛未詔
揮使漢州刺史李重進為大內都點檢馬步都軍頭
領恩州團練使以內殿直都知駙馬都尉張永德領和

三才圖會卷之三十一 月之節

州刺史充小底第一軍都指揮使八月甲申朔翰林學
士刑部尚書張沆落職守本官以中書舍人史館脩撰
判館事徐台符為禮部尚書充翰林學士承旨以兵部
侍郎韋勳為尚書右丞以尚書右丞于德辰為吏部
郎以戶部侍郎郎邊歸謙為兵部侍郎郎陳觀為工
交為戶部侍郎郎以樞密直學士左散騎常侍郎中充
部侍郎依前充職以刑部侍郎景範為左司郎中充
密直學士乙酉樞密使于峻上章請解樞密凡三上章
詔不允庚寅穎州奏先于淮南俘獲孽蓄已准詔送還
本土甲午詔止絕吏民詣闕舉請刺史縣令賜宰臣李
穀白籐肩輿時殺以今年七月因步履傷臂請告數旬
詔穀扶持三司刻名印署事仍放朝參庚子路州節度
使常思移鎮宋州相州節度使李筠移鎮潞州壬寅鄆
州節度使高行周薨癸丑詔改鹽麴法鹽麴犯五斤已
上處死煎鹽者犯一斤已上處死先會要周廣順二
兩多死煎鹽者犯一斤已上處死先會要周廣順二
年八月勅今後刺史縣令顯有政能舉請一切止絕
聞奏朝廷當議擢百姓僧道不得舉請一切止絕
又八月追封故齊王高行周為秦王冊府元龜七月
壬午永壽節羣臣詣廣政殿上壽畢赴相國寺齋設宰

通鑑紀事本末 周本紀 五

臣學士內諸司使前任節度使防禦團練九月乙丑太
 等使侍御諸軍都將刺史等賜衣各一襲九月乙丑太
 僕少卿王演使于高麗契丹寇邊五代史九月乙丑太
 僕卿以左庶子張仁瑑為大理卿以司天監趙延久為太
 太府卿兼判司天監事詔北衙契丹寇邊州鎮自守疆場不
 得入北界俘掠乙亥鎮州奏契丹寇深冀州遣龍捷都
 指揮使劉誨牙內都指揮使何繼筠等率兵拒之而退
 時契丹聞官軍至掠冀部才壯數百隨行狼狽而北冀
 部被擄者望見官軍鼓譟不已官軍不敢進其丁壯盡
 為蕃軍所殺而去丁丑以鄭州防禦使白重贊為相州
 留後戍寅樂壽都監杜延熙奏于瀛州南殺契丹斬
 首三百級獲馬四十七匹癸未帝姨母韓氏追封楚國
 夫人故第四姊追封福慶長公主癸巳易州奏契丹武
 州刺史石越來奔冬十月丙戌以前晉州節度使王彥
 超為河陽節度使庚寅詔諸州罷任或朝覲不得以器
 械進貢先是諸道州府各有作院每月課造軍器逐季
 搬送京師進納其逐州每年占留繫省錢帛不少謂之
 甲料仍更于節度使刺史又私造器甲以進貢為名功
 上供軍器外節度使刺史又私造器甲以進貢為名功

費又倍悉取之于民帝以諸州器甲造作不精兼占留
 屬省物過當乃令罷之仍選擇諸道作工赴京作坊以
 備役使乙未永興軍奏宣徽北院使知軍府事翟光鄴
 卒丁酉葬德妃廢朝戊戌以宣徽北院使鄭仁誨為宣
 興軍府事以樞密直學士工部侍郎陳觀權知開封府
 事己亥升鉅野縣為濟州以樞密院副使鄭仁誨為宣
 徽北院使兼樞密副使庚子幸樞密院凡三上章詔報不
 允丁未滄州奏自十月已前蕃歸漢戶萬九千八百戶
 是時北境饑饉人民轉徙負而歸中土者散居河北
 州縣凡數十萬日領兵趨長沙十五日至潭州淮南所
 以今年十月三日領兵趨長沙十五日至潭州淮南所
 署湖南節度使邊鎬岳州刺史宋德權並棄城遁去庚
 申以前少府監馬從斌為殿中監壬戌樞密使王峻沆
 妻崔氏追封趙國夫人非故事也乙丑刑部尚書張沆
 卒辛未陝州折從阮移鎮邠州以前宋州節度使李洪
 義為安州節度使癸酉青州符彥卿移鎮鄆州甲戌詔
 日累朝已來用兵不息至于繕治甲冑未免配役生靈
 多取于民助成軍器就中皮革尤峻科刑稍犯嚴條皆
 抵極典鄉縣以之生事姦猾得以侵漁宜立新規用革

前弊應天下所納牛皮今將逐所納數三分內減二分
其一分子于人戶苗畝上配定每秋夏苗共十頃納連角
皮一張其黃牛納乾筋四兩水牛半斤犢子皮不在納
限牛馬驢騾皮筋角今後官中更不禁斷只不得將出
化外敵境州縣先置巡檢牛皮節級並停丙子詔曰應
內外文武官寮幕職州縣官舉選人等今後有父母祖
父母亡歿未經遷葬者其主家之長不得輒求仕進所
由司亦不得申舉遷葬者如主家幼在下者不得在此
卯日南至帝御崇元殿受朝賀仗衛如儀十二月丙戌
權武平軍留後劉崇受朝賀仗衛如儀十二月丙戌
日與節度副使王進達行軍司馬何敬貞指揮使周行
逢等同共部領戰棹攻收湖南偽節度使邊鎬當夜出
奔王進達等已入潭州不得進奉買太師致仕安叔干卒
甲午詔今後諸侯入朝不得進奉買太師致仕安叔干卒
節度使榮落起復加同平章事戊戌太子少傅致仕王
延卒壬寅幸西莊乙巳以端明殿學士顏衍權知開封
府事御史臺奏請改左右衛復為左右屯衛從之避御
名也是冬無雪五代會要二年十二月勅應天下人
所納牛皮今將逐年所納數三分內減收二分其一分
于人戶苗畝上配定每秋夏苗共十頃納連角牛皮一分

張其黃牛納乾筋四兩水牛半斤犢子皮不在納限其
皮人戶自詣本州送納所司不得邀難所有牛馬驢騾
皮筋骨今後宮中更不禁斷並許私家其使買賣祇不
得將出來敵疆關仍仰關津界首子細覺察捕捉所犯
人必加深罪其州縣先置巡檢牛皮節級及朝廷先降
條法一切停廢又周廣順二年十一月勅應內外先降
武臣寮幕職州縣官舉選人等今後有父母亡故未經
遷葬其主家之長不得輒求仕進所由司亦不得申舉
解送如主家幼在下者不得輒求仕進所由司亦不得
葬事禮畢或卑幼在下者不得輒求仕進所由司亦不得
岡冒空令御史臺巡及逐處吏本司長官所由司亦不得
察糾舉犯者必行典法如是處吏本司長官所由司亦不得
糾舉之司其中必有兵戈阻縮或是不切覺察縱任岡冒
追徵及內外管軍職員並不拘此例所有勅前見任職
官及今年舉選官不在糾舉之限冊府元龜廣順二
年十一月丙午勅曰古者立封樹之制定喪葬之期著
在經典是為名教泊乎世俗衰薄風化陵遲親歿而多
闕送終身後而便為無主或羈束于宦或拘忌于陰
陽旅櫬不歸遺骸何託但以先王垂訓孝子因心非以
厚葬為賢只以稱家為禮掃地而祭尚可以告虔負土

成墳所貴乎盡力宜頒條令用警因循庶使九原絕抱
恨之魂千古無不歸之骨指紳人士當體茲懷應內外
文武臣寮幕職州縣官選人等不得輒求仕進所繇司亦不
得申舉解送如主家之長不得輒求仕進所繇司亦不
者或是舉解送如主家之長不得輒求仕進所繇司亦不
不得罔昌宜令御史臺及逐處長吏本司長官所由司
覺察糾舉違犯者當行典憲如是不切覺察縱任罔冒
罪在糾舉及內外官職員皆以金革從事並不拘此例所
復追徵及內外官職員皆以金革從事並不拘此例所
有勅前見任職官員今年舉選人等不在糾舉之限
又十二月御史臺奏唐景雲二年改左右屯衛大將軍
為威衛又唐高宗名治其時改治書御史為御史中丞
諸州治中為司馬蓋臣子書合避名也請諸衛中舊
是屯衛者復舊名從之五代春秋壬子二年四月丙
戊朔日有食之五月庚辰帝東征戊辰次兗州城下乙
亥克兗州六月戊戌帝至自東征九月
契丹入寇朗州劉彥逐吳人復其地

三年春正月乙卯麟州刺史楊重訓叛于漢來附
五代史廣

順三年春正月壬子朔帝御崇元殿受朝賀仗衛如儀
幸太平宮起居漢太后甲寅賜羣臣射于內鞠場乙卯
武平軍兵馬留後劉言奏潭州兵戈之後焚燒殆盡乞
移使府于武陵從之詔升朗州為大都督充武平軍節度
上丙辰以武平節度使留後檢校太尉劉言為檢校太
師同平章事行朗州大都督充武平軍節度使兼三司水
陸轉運等使制置武安靜江等軍事檢校太傅王進達為
平軍節度副使權知潭州刺史充武安軍節度使以武
檢校太尉行潭州刺史都指揮使安軍節度使以武安軍
軍司馬兼衙內步軍都指揮使安軍節度使以武安軍
校太尉行潭州刺史都指揮使安軍節度使以武安軍
刺史充武平軍節度副使靜江軍節度使以張倣領眉州
江軍節度副使以周行逢領集州刺史充武安軍節度
行軍司馬自進達而下皆劉言將校也邠州刺史張建
蕃部野雞族畧奪商旅侵擾州界詔遣寧州刺史張建
武等率兵掩襲仍先賜勅書安撫如不從命即進軍問
罪辛酉詔賜朗州劉言應兩京及諸道舊屬湖南樓店
邸第乙丑詔諸道州府繫屬戶部營田及租稅課利等
除京兆府莊宅務贍國軍權鹽務兩京行從莊外其餘
並割屬州縣所徵租稅課引官中只管舊額其職員節

級一切停廢應有客戶元佃繫省莊田桑土舍宇便賜
逐戶充為永業仍仰縣司給與憑由應諸處元屬營田
戶部院及繫縣人戶所納租牛課利起今年後並與除
放所有見牛犢並賜本戶官中永不收繫云帝在民間
素知營田之弊至是以天下繫官莊田僅萬計悉以分
賜見佃戶充永業是歲出戶三萬餘百姓既得為己業
比戶欣然于是葺屋植樹敢致功力又東南郡邑各有
租牛課戶往因梁太祖渡淮軍士掠民牛以千萬計梁
太祖盡給與諸州民輸租課自是六十餘載時移代改
牛租猶在百姓苦之至是特與除放未幾京兆府莊宅
務及權鹽務亦歸州縣依例處分或有上言以天下繫
官莊田甚有可惜者若遣貨之當得三十萬緡亦可資
國用帝曰苟利于民與資國何異丁卯戶部侍郎權知
貢舉趙上交奏諸科舉人欲等第各加對義場數進士
除詩賦外別試雜文一場從之兩浙弔祭使左諫議大
夫李知損責授登州司馬員外置仍令所在馳驛放遣
知損銜命江浙所經藩郡皆強貸于侯伯為青州知州
張凝所奏故有是命已巳幸南莊臨水亭見雙鳧戲于
池上帝引弓射之一發疊貫從臣稱賀庚午以前邠州
節度使侯章為鄧州節度使前萊州刺史葉仁魯賜死

三才言卷之二 九

坐為民所訟故也幸未詔樞密使王峻巡視河隄峻請
行故從之辛巳幸南莊五代會要周廣順三年正月
戶部侍郎權知貢舉趙上交奏進士元試詩賦各一首
帖經二十帖對義五道今欲罷帖經對義別試雜文二
首試策一道從之王壺清話仁宗讀五代史至周高
祖幸南莊臨水亭見雙鳧戲于池出沒可愛帝引弓射
之一發疊貫從臣稱賀仁宗掩卷謂左右曰逞藝傷生
非朕所喜也內臣鄭昭信掌內饗十五年嘗面誠曰動
活之物不得擅閏月丙戌回鶻使獨呈相溫來閏五月
烹深惡于殺也潭州王進遠奏廣賊占據桂管深入永
甲申朗州劉言潭州行軍司馬何敬真與指揮使朱全
州界俘劫遣朗州行軍五萬進擊丙戌回鶻遣使貢方
陳順等率水陸軍五萬進擊丙戌回鶻遣使貢方物詔
故梁租庸使趙巖姪崇勳見居陳州量賜繫官店宅從
王峻之請也辛卯定州奏契丹攻義豐軍出勁兵夜斫
蕃營斬首六十級契丹遁去甲午鎮州奏契丹寇境遣
兵追襲至無極而還丙申皇子澶州節度使榮來朝壬
寅以樞密使尚書左僕射同平章事監脩國史王峻兼
青州節度使餘如故延州衙內指揮使高紹基奏言父
允權患脚膝令臣權知軍州事癸卯陳州奏吏民請與

通鑑紀事本末 周本紀 九

前刺史李穀立祠堂從之時穀為宰相聞郡人陳請遜讓數四乃止甲辰鄴都留守王殷加檢校太尉依前同平章事丙午鎮州節度使何福進河陽節度使王彥超並加檢校太尉潞州節度使李筠加檢校太傅丁未延州節度使高允權卒已酉開封府奏都城內二月甲子錄到無名額僧尼寺院五十八所詔廢之

貶王峻為商州司馬 五代史二月辛亥朔以前西京留韓國公癸丑安州節度使李洪義侍衛馬軍都指揮使郭崇侍衛步軍都指揮使曹英並加檢校太尉唐州方城縣令陳守愚棄市坐剋留戶民蠶鹽一千五百斤入己也內制國寶兩座詔中書令馮道書寶文其一以皇帝承天受命之寶為文其一以皇帝神寶為文按傳國寶始自秦始皇命李斯篆之歷代傳授事具前史至唐末帝自燔之際以寶隨身遂俱焚焉晉高祖受命特置寶一座開運末契丹犯闕少帝遣其子延煦齋送于契丹主訝其非真少帝上表具訴其事及契丹北歸齋以入蕃漢朝二帝未暇別製至是始創為之庚申遣將作監李瓊知陝州軍州事甲子樞密使平盧軍節度使尚書左僕射平章事監脩國史王峻責授商州司馬員外

置所在馳驛發遣戊辰左監門上將軍李建崇卒延州牙內都指揮使高紹基奏交割軍府與副使張圖已巳朗州劉言奏當道先遣行軍司馬何敬真率兵掩擊廣賊行及潭州部眾奔潰湖南王進遠以敬真失律已梟首訖以樞密直學士工部侍郎陳觀為秘書監王申鳳翔少尹桑能責授鄧州長史能晉相維翰之庶弟也坐據維翰別第為人所訟故也癸酉以戶部侍郎知貢舉趙上交為太子詹事是歲新進士中有李觀者不當策名物議諠然中書門下以觀所試詩賦失韻勾落姓名故上交移官牙丑幸南莊賜從官射命客省使向訓權知延州軍州事五代會要周廣順三年二月內司製國寶兩坐詔太常具制度以聞有司奏按唐六典符寶郎掌天子八寶其一曰神寶其二曰受命寶其神寶方六寸高四寸六分厚一寸七分蟠龍紐文與傳國寶同傳國寶秦始皇皇帝以藍田玉刻之李斯篆文方四寸面文曰受命于天既壽永昌紐盤五龍二寶歷代相傳以為神器又別有六寶一曰皇帝行璽五曰天子之璽六曰天子信璽此六寶因文為名並白玉螭虎紐歷代相傳亡則補之北朝鑄之以金至則天朝以璽字涉嫌改之為寶

貞觀十六年別製元璽一坐其文曰皇天景命有德者
昌白玉螭虎紐同光中製寶一坐文曰皇帝神寶其同光天福二
晉天福四年製寶一坐文曰皇帝神寶其同光天福二
寶內司製造不見紐象并尺寸製度勅今製寶璽兩坐
宜用白玉方六寸螭虎紐詔馮道書寶文其一以皇帝
承天受命之寶為文其一以皇帝神寶為文按傳國寶
自秦始皇後歷代傳授至唐末年自燔之際以寶隨身
然焉晉高祖受命特置寶一坐開運末契丹犯闕少帝
遣其子延煦送契丹太宗誅其非直少帝上表具述
其事及契丹北歸齋以入蕃漢朝二帝未暇別製至是
始創為之文獻通考以周廣順三年二月內司製國寶
兩坐詔太常具制度以聞有司奏云云按傳國寶自秦
始皇後歷代傳授至唐末年自燔之際以寶隨身焚焉
晉高祖受命特製寶一座開運末北戎犯闕少帝遣其
子延煦送于戎主誅其非直少帝上表具述其事
及戎主北歸齋以入蕃漢朝二帝未暇別製至是始刻
之三月甲申封榮為晉王原注不書子則當書其本姓
又不書者周丙戌鄭仁誨罷己丑棗州團練使王仁鎬
人所共諱

為右衛大將軍樞密副使

五代史廣順三年春三月庚辰朔以相州留後白重贊為

滑州節度使以鄭州防禦使王進為相州節度使以前

兗州防禦使索萬進為延州節度使以亳州防禦使張

鐸為同州節度使甲申以皇子澶州節度使榮為開封

尹兼北院使兼樞密副使鄭仁誨為澶州節度使丙戌以

前都指揮使李重進領泗州防禦使王仁鎬為右衛大將軍

內客省使已丑以棗州團練使王仁鎬為右衛大將軍

充宣徽北院使兼樞密副使庚寅端明殿學士尚書兵

部侍郎顏衎落職守本官以翰林學士中書舍人王溥

為戶部侍郎充職秘書監陳觀責授左贊善大夫留夏

左諫議大夫充職秘書監陳觀責授左贊善大夫留夏

司西京坐王峻黨也癸巳大風雨土戊申幸南莊

五代史夏四月甲寅禁邊民戶鬻兵仗與蕃人戊辰

河州鳳翔節度使王景移鎮鳳翔宋州節度使常思進移鎮
青州鳳翔節度使趙暉移鎮宋州河陽節度使王彥超
移鎮河中賜節度使劉言絹三百匹以兵革之後匱乏故
也詔在京諸軍將士持支救接五月已卯朔帝御崇元
殿受朝仗衛如儀辛巳前慶州刺史郭彥欽勒歸私第

國初以彦欽再刺慶州兼掌權鹽彦欽擅加權錢民夷
 流怨州北十五里寡婦山有蕃部日野雞族掠奪網商
 擾之蕃情獷悍好為不法彦欽乃奏野雞族掠奪網商
 帝遣使齋詔撫諭望其率化蕃人既苦彦欽貪政不時
 報命朝廷乃詔邠州節度使折從阮寧州刺史張建武
 進兵攻之建武勇于立功徑取野雞族軍討伐相聚餉饋
 又殺牛族素與野雞族有憾且聞官軍討伐相聚餉饋
 欣然迎奉官軍利其財貨孳畜遂劫奪之翻為族所誘
 至包山負險之地官軍不利為蕃人迫逐帝怒彦欽及
 死者數百人從阮等以兵自保不相救應帝怒彦欽及
 建武俱罷其任及彦欽至京師故有是命丁亥新授青
 州節度使常思進在宋州日契券其絲四萬一千四百
 兩請徵入官詔宋州給還人戶契券其絲四萬一千四百
 書侍郎同平章事集賢殿大學士權判門下省事范質
 權監脩六月大雨水五代史六月壬子滄州奏契丹幽
 國軍事張藏英以前開封尹楚國公侯益為太子太師以
 臺軍化癸丑以前開封尹楚國公侯益為太子太師以
 前西京留守莒國公王守恩為左衛上將軍甲寅以前永興
 軍節度使李洪信為左武衛上將軍甲寅以前永興

軍宋彥筠為太子少師以太子少師楊凝式為尚書右
 僕射致仕癸亥前河南節度使王繼宏卒己巳太子太
 傅李懷忠卒是月河南河北諸州大水霖雨不止川陂
 漲溢襄州漢水溢入城深一丈五尺居民皆乘筏登樹
 羣鳥集潞州河南無鳥五代會要周廣順三年六月
 尚書左丞兼判國子監事田敏進印板九經書五經文
 字九經字樣各二部一各三百冊府元龜周田敏
 為尚書左丞兼判國子監事田敏進印板九經書五經文
 書五經文字五經字樣各二部一各三百冊府元龜周田敏
 自長興三年較勘雕印九經書籍經注繁多年代殊貌
 傳寫紕繆漸失根源臣守官膠庠職司較定旁求援據
 上備雕鐫幸遇聖朝克終盛事播文德于有截傳世教
 以無窮謹具陳進先朝是後唐幸相馮道李愚重經學因
 言漢時崇儒有二三字石經唐朝幸相馮道李愚重經學因
 日不暇給無能別有刊立嘗見吳蜀之人鬻印板文字
 色類絕多終不及經典如經典較定雕摹流行深益于
 文教矣乃奏聞勅下儒官田敏等考較經注敏于經注
 長于詩傳攷攷刊正援引證據聯為篇卷先經奏定而
 後雕刻乃分政事堂厨錢及諸司公用錢又納及第舉
 人禮錢以給工人容齋續筆唐正觀中魏證虞世南

顏師古繼為秘書監請募天下書選五品以上子孫工
書者為書手繕寫予家有舊監本周禮其末云大周廣
順三年癸丑五月雕造九經書畢前鄉貢三禮郭嶧書
列宰相李穀范質判監田敏等銜于後經典釋文末云
顯德六年己未三月太廟室長朱延熙書宰相范質王
溥如前而田敏以工部尚書為詳勘官此書字畫端嚴
有楷法更無舛誤舊五代史漢隱帝時國子監奏周禮
儀禮公羊穀梁四經未有印版欲集學官考校雕造從
之正尚武之時而能如是蓋至此年而成也成都石本
諸經毛詩儀禮禮記皆秘書省秘書郎張紹文書周禮
者秘書省校書郎孫明古書周易者國子博士孫逢吉
書尚書者校書郎周德政書爾雅者簡州平泉合張德
昭書題云廣政十四年蓋孟昶時所鐫其字體亦皆精
謹兩者並用士人筆札猶有正觀遺風故不庸俗可以
傳遠唯三傳至皇祐元年方畢工殊不逮前紹興中分
命兩淮江東轉運司刻三史板其兩漢書內凡欽宗諱
並小書四字曰淵聖御名或徑易為威字而它廟諱皆
只缺畫愚而自用為可笑也蜀三傳後列知益州樞密
直學士右諫議大夫田況街大書為三行而轉運使直
史館曹穎叔提點刑獄屯田員外郎孫長卿各細字一

行又差低于況今雖執政秋七月契丹盧臺軍使張藏

英來奔五代史秋七月戊寅朔徐州言龍出豐縣村民

孫卒甲申鄴都王殷奏乞朝覲凡三上章允之尋以北

邊奏契丹事機詔止其行以左金吾上將軍張從恩為左金

太子太師致仕丁亥以右金吾上將軍張從恩為左金

吾上將軍以前鄧州節度使張彥成為右金吾上將軍

已丑以虎捷左廂都指揮使張永州防禦使韓通為陝州

留後庚寅太府卿判司天監趙延又卒辛卯以前西京

副留守盧價為太子賓客乙未以御史中丞邊光範為

禮部侍郎以刑部侍郎徐台符為刑部侍郎充職丙申太

承旨尚書禮部侍郎徐台符為刑部侍郎充職丙申太
子太師致仕安審信卒丁酉詔曰京兆鳳翔府同華邠
延郵耀等州所管州縣軍鎮頃因唐末藩鎮殊風久歷
歲時未能釐革政途不一何以教民其婚田爭訟賦稅
丁徭合是令佐之職其擒姦捕盜庇護部民合是軍鎮
警察之職今後各守職分專切提撕如所職疎遺各行
按責其州府不得差監徵軍將下縣戍衛尉少卿李
溫美責授房州司戶參軍溫美奉使祭海便道歸家

在壽光縣為縣吏馮勳所訟故黜之供奉官武懷贊棄
市坐盜馬價入已也壬寅以鴻臚少卿趙脩已為司天
監八月己酉幸南莊丙辰內衣庫使齊藏珍除名配沙
門島藏珍奉詔脩河不于役所部轄私至近縣止宿及
報隄防危急安寢不動遂至橫流故有是責庚申邢州
節度使劉詞移鎮河陽辛酉以龍捷左廂都指揮使閻
州防禦使田景咸為邢州留後丁卯河決河陰京師霖
雨不止給賜諸軍將士薪芻有差癸酉以翰林學士戶
部侍郎王溥為端明殿學士甲戌潭州王逵奏朗州劉
言與淮賊通連差指揮使鄭玟部領兵士欲併當道鄭
玟為軍眾所執奔入武陵劉言尋為諸軍所廢臣已至
朗州安撫訖詔劉言勒歸私第委王逵取便安置是月
所在州郡奏霖雨連綿漂沒田稼損壞城郭廬舍請
代會要周廣順三年七月京城民晁緒等為永壽節請
各于門首齋僧燃燈三晝夜從之冊府元龜三年七
月京城居民晁緒等言以永壽節各于門首齋僧燃燈
三晝夜從之乙巳永壽節太祖御永福殿羣臣上壽
賜將相大臣禁軍大將等衣有差羣臣赴僧寺齋設
月吐渾党富達等來五代史九月己卯太子少保盧損

監杜延熙為戍兵所害先是齊州保寧郡兵士屯于樂
壽都頭劉彥章等殺延熙為亂時鄭州開道指揮使張
萬友亦屯于樂壽然不與之同朝廷急遣供奉官馬諤
省其事諤乃與萬友擒彥章等十三人斬之餘眾奔齊
州是月多陰暄木再華五代會要周廣順三年九月
勅入厚載門內向東橫街東地房宇宜令宏文館集賢
院于此分劈廨署冊府元龜廣順三年九月勅入厚
載門內向東橫街東北屋宇宜令宏文館史館集賢等
三館于此冬十月庚申馮道為奉迎神主使五代史冬
朔詔以來年正月一日有事于南郊諸道州府不得以
進奉南郊為名輒有率歛已西右金吾上將軍張彥成
卒庚戌以前同州節度使薛懷讓為左屯衛上將軍以
尚書左丞兼判國子監田敏權判太常卿以禮部尚書
王易權兵部尚書太常寺卿南郊壇位制度請下所
司脩奉從之以中書令馮道為南郊大禮使以開封尹
晉王榮為儀仗使權判太常卿田敏為禮儀使以前中
丞張煦為儀仗使權判太常卿田敏為禮儀使以前中
州防禦使郭瓊為權宗正卿甲寅以前光祿卿丁知浚
復為光祿卿丙辰幸南莊西莊己未前寧州刺史張建

武責授右司禦副率以野雞族失利故也以前翰林學士工部侍郎魚崇諒為禮部侍郎充翰林學士時崇諒解職于陝州就養至是再除禁職仍賜詔召之令本州給行裝鞍馬侍親歸朝以太子賓客張昭為戶部尚書以奉太子賓客李濤為刑部尚書詔中書令馮道率百官上尊號曰聖明文武仁德皇帝答詔不允凡三上言地震鄴都尤甚畢施行壬申鄴都邢洺等州皆上言地震鄴都尤甚十一月癸未党項使吳帖磨五等來已廢共城稻田務任人佃蒔乙酉日南至帝不受朝賀庚寅鎮州節度使何福進奏乞朝覲三奏允之詔侍衛步軍都指揮使曹英權知鎮州軍府事癸巳以將作監李瓊為濟州刺史壬寅詔重定天下縣邑除畿赤外其餘三千戶已上為望縣二千戶已上為緊縣一千戶已上為縣五千戶已上為中縣不滿五百戶為中下縣文獻通考周廣順三年十一月十二日戊申四廟神主至自西京迎之于西郊耐于太廟壬申殺天雄軍節度使王殷乙亥享于

太廟

五代史十二月戊申雨木冰是日四廟神主至西

郊耐于太廟壬申殺天雄軍節度使王殷乙亥享于
諸道州府縣鎮城內人戶舊請蠶鹽徵價起今後並停
甲子鎮州節度使何福進來朝乙丑鄴都留守王殷來
朝丙寅禮儀使奏皇帝郊廟行事請以晉王榮為亞獻
通攝終獻行事從之己巳左補闕王仲停任坐檢田于
亳州虛憲紐配故也辛未鄴都留守侍衛親軍都指揮
使王殷削奪在身官爵長流登州尋賜死于北郊其家
人骨月並不問罪癸酉帝宿齋于崇元殿為來年正月
一日親親祀南郊也時帝已不豫甲戌宿于太廟乙亥質
明帝親饗太廟自齋宮乘步輦至廟庭被袞冕令近臣
翼侍陞階止及一室行禮俛首而退餘命晉王率有司
終其禮是日車駕赴郊宮御史臺奏鳳周趙鳳為單州
刺史太祖廣順三年十二月御史臺奏鳳周趙鳳為單州
百姓非理科率十六事勅趙鳳驟承委寄合稟憲章臨
民不利于撫綏率性但聞于兇暴准巡寇當年之殘
州難名近郡頒條在任之貪虐猶甚奪部民之妻女率
其趙鳳資財招納賊徒搔擾生聚爾不奉法國有常刑

年正月以戶部田賜民二月誅王峻六月大水十二月
誅王殷 文獻通考周廣順三年西天竺僧薩滿多等
十六族來
貢名馬

顯德元年春正月丙子朔有事于南郊大赦改元五代會要

周太祖南郊一顯德元年正月一日冊府元龜顯德
元年春正月乙未祀圓丘禮畢御明德殿大赦改元

羣臣上尊號曰聖明文武仁德皇帝五代正月一日上尊

號曰聖明文武仁德皇帝文獻通考周太祖顯德元

年軍士有流言郊賞薄于唐明宗時帝詔諸將至寢殿
讓之曰朕自即位以來惡衣菲食專以贍軍為念府庫

蓄積四方朕自即位以來惡衣菲食專以贍軍為念府庫
乃縱凶徒騰口不顧人主之勤儉察國之貧乏又不知

己有何功而受賞惟知怨望于汝輩安乎皆惶恐謝罪
退索不逞之徒戊寅罷鄴都丙戌鎮寧軍節度使鄭仁

誨為樞密使壬辰端明殿學士戶部侍郎王溥為中書

侍郎同中書門下平章事東都事畧王溥字齊物并州

科李守貞據河中趙思綰反京兆王景崇亂鳳翔周太
祖將兵討三叛以溥為從事三叛既平朝士及藩鎮嘗

以書往來詞意涉于悖逆者太祖籍其名欲按之溥諫
曰臙魅伺夜而出日月既照則氛沴消矣請焚之以安

反側太祖從之太祖將大漸從召學士草制以溥為中
書侍郎同中書門下平章事已宣制太祖曰吾無恨矣

世宗嘗問漢相李崧蠟彈書結北虜有記其辭者否溥
曰使崧有此肯示人耶蘇逢吉輩陷之爾世宗遂優贈

崧官世宗將討秦鳳溥薦向拱遂平之世宗即位加尚書
酒賜之曰成吾邊功卿擇帥之力也恭帝即位加尚書

右僕射日續長編左僕射王溥數勸其父宿州防禦使
王祚請老祚不得已乃上章且意朝廷未之許也己未

以祚為右領軍衛上將軍致仕祚大罵溥曰我筋力未
衰汝欲自固名位而幽囚我大挺擊之親戚勸解乃止

王仁鎬罷是日皇帝崩于滋德殿原注五年十二月是
五代史顯德元年春正月丙子朔帝親祀園丘禮畢
詣郊宮受賀車駕還宮御明德樓宣制大赦天下改廣

順四年為顯德元年自正月一日昧爽已前應犯罪人
常赦所不原者咸赦除之內外將士各優給文武職官
並與加恩內外命婦並與進封寺監不得以白身署攝升朝官
者同明經出身今後諸寺監不得以白身署攝升朝官
兩任已上著綠十五周與賜緋著緋十五年與賜紫
州縣官曾經五度參選雖未及十六考與授朝散大夫
階年七十已上授優散官賜緋應奉郊廟職掌人員並
與恩澤今後不得以梁朝及清泰朝為偽朝赦畢帝御
帝元陵廟及名臣墳墓無後官為檢校云宣赦畢帝御
崇元殿受冊尊號禮畢羣臣稱賀時帝郊祀御樓受冊
有司多畧其禮以帝不豫故也先是占者言鎮星在
氏房乃鄭宋之分當京師之地兼氏宿主帝王路寢若
散財以致福遷幸以避災庶幾可以驅禳矣帝以遷幸
煩費不可輕議散財可矣故有郊禋之命泊歲暮帝疾
增劇郊廟之禮蓋勉而行之耳戊寅詔廢鄴都依舊為
天雄軍大名府在京兆府之下庚辰制皇子開封尹晉
王榮可開府儀同三司檢校太尉兼侍中王開封尹功
德使判內外兵馬事襄州安審琦進封陳王鄆州符彥
卿進封衛王移鎮天雄軍荆南高保融進封南平王夏
州李彞興進封西平王甲申宋州趙暉進封韓國公青

州常思進封萊國公徐州王晏進封滕國公鄧州侯章
進封申國公西京武行德進封譙國公許州郭從義加
檢校太師鳳翔王景進封褒國公華州孫方諫進封蕭
國公自趙暉已下並加開府儀同三司乙酉分命朝臣
往諸州開倉減價出糶以濟饑民詔潭州依舊為大都
督府在朗州桂州之上丙戌以澶州節度使鄭仁誨為
樞密使加同平章事鄜州楊信加開府儀同三司改封鄭國公滄
杞國公邠州折從阮加開府儀同三司改封鄭國公滄
州李暉加檢校太尉以陳州節度使兼侍衛馬軍都指揮使
饒加檢校太尉以陳州節度使兼侍衛馬軍都指揮使
郭崇為澶州節度使加同平章事以曹州節度使兼侍
衛步軍都指揮使曹英為鎮州節度使加同平章事潭
州王逵加特進兼侍中河陽劉詞加檢校太尉河中王
彥超加同平章事潞州李筠如節度使何福進為鄆州節度
使加同平章事潞州李筠如節度使何福進為鄆州節度
福滑州白重贊相州王進同州張鐸並加檢校太傅以
延州節度使索萬進為曹州節度使加檢校太傅以
留後孫行友邢州留後田景咸陝州留後韓通靈武留
後馮繼業並正授節度使庚寅夜東北有大星墜其聲
如雷壬辰宰臣馮道加守太師范質加尙書左僕射監

長史已錄下 周本紀 十七

脩國史李穀加右僕射集賢殿大學士以端明殿學士
尚書戶部侍郎王溥為中書侍郎平章事司徒竇貞固
進封沂國公司空蘇禹珪進封莒國公並加開府儀同
三司以宣徽南院使知永興軍府事袁義為延州節度
使以宣徽北院使兼樞密副使王仁鎬為永興軍節度
使以前安州節度使兼樞密使李重進為武信軍節度使
指揮使泗州防禦使李重進為武信軍節度使睦州防
保典軍如故以龍捷左廂都指揮使睦州防禦使樊愛
能為侍衛馬軍都指揮使果州防禦使何徽為侍衛步
虎捷左廂都指揮使果州防禦使何徽為侍衛步軍都
指揮使利州節度使加檢校太保以樞密承旨魏仁浦
為樞密副使是日巳時帝崩于滋德殿聖壽五十一秘
不發喪乙未遷神柩于萬歲殿召文武百官班于殿廷
宣遺制晉王榮可于柩前即皇帝位服紀月日一如舊
制云是歲自正月朔日以後景色昏晦日月多暈及嗣君
卽位之日天氣晴朗中外肅然帝自郊禋後其疾乍瘳
乍劇晉王省侍不離左右累諭晉王曰我若不起此疾
汝卽速治山陵不得久留殿內陵所務從儉素應緣山
陵役力人匠並須和雇不計近遠不得差配百姓陵寢
不須用石柱費人功只以甄代之用瓦棺紙衣臨入陵

之時召近稅戶三十家為陵戶下事前揭開瓦棺遍視
過陵內切不得傷他人命勿脩下宮不要守陵宮人亦
不得用石人石獸只立一石記子鐫字云大周天子臨
晏駕與嗣帝約緣平生好儉素只令著瓦棺紙衣葬若
違此言陰靈不相助又言朕攻收河府時見李家十八
帝陵園廣費錢物人力並遭開發汝不聞漢文帝儉素
葬在霸陵原至今見在如每年寒食無事時卽仰量事
差人灑掃如無人去只遙祭兼仰于河府魏府各葬一
副斂甲澶州葬通天冠絳袍東京葬于河府魏府各葬一
服千萬千莫忘朕言二月甲子太常卿田敏上尊諡
日聖神恭肅文武孝皇帝廟號太祖四月乙巳葬于嵩
陵宰臣李穀撰謚冊文王浦撰哀冊文云史臣曰周太
祖昔在初潛未聞多譽泊西平蒲阪北鎮鄴臺有統御
之勞顯英偉之量族屬漢道斯季天命有歸總虎旅以
濶神京不無慙德攬龍圖而登帝位遂闡皇風期月而
弊政皆除逾歲而羣情大服何遷善之如是蓋應變以
無窮者也所以魯國兕徒望風而散并門遺孽引日偷
生乃鼎駕之將昇命瓦棺而薄葬勤儉之美終始可稱
雖享國之非長亦開基之有裕矣然而二王之誅議者
譏其不能駕馭權豪傷于猜忍卜年斯促抑有由焉

五代會要顯德元年正月追封山南東道節度使南陽
王安審琦為陳王淮南王符彥卿為衛王隴西郡尹李
彝殷為西平王 又元年正月十七日崩于大內之滋
德殿年五十一其年四月十三日葬嵩陵在鄭州新鄭
縣諡曰聖神恭肅文武孝皇帝廟號太祖哀冊文中書
侍郎平章事王溥撰諡冊文右僕射平章事李穀撰諡
議太常卿田敏撰年號二廣順盡三年顯德元年宰
相七人馮道竇貞固蘇禹珪王峻范質李穀王溥使相
四十二人高保融錢宏俶高行周安審琦符彥卿李彝
殷馮暉王峻李洪義白文珂慕容容彥超趙暉高允權侯
益武行德王晏張彥威常思侯章史匡懿李從敏薛懷
讓王繼宏王景郭從義孫方諫王守恩李暉扈彥珂折
從阮劉訓郭勳楊信何福進李宏信劉言郭崇李筠鄭
仁誨曹英王彥超王逵 五代春秋甲寅顯德元年正
月丙子朔帝祀上帝于圓丘改元帝不豫壬辰帝崩于
滋德殿 南宮靖一周太祖論周興于郭威威兩殺其
君篡取大位得國之初罷貢獻珍食碎後宮寶器詔百
官上封事又謁孔子祠躬拜其墓當此亂離之際善政
迭書況有王峻以贊軍事有范質以守法度有李穀以
導主意雖享國日淺而施為有足稱者先儒稱其為唐

明周世之亞蓋以此耳然帝既已文身甘心從夷而又
偃然自處天位身體髮膚受之父母雖小人亦以毀傷
為忍而帝會無怍容則是黃屋之中居一黥人耳何以
令天下眾庶乎觀帝語劉崇曰自古豈有大統即位之
帝之自處亦甚明矣世宗以柴氏子入繼大統即位之
初憤然欲平天下蓋念亂甚而望治切直中原之主也
首誅樊何以正軍法革五十年之弊政遂能變弱為彊
因敗為功乘勝逐北至于太原歸而簡兵整眾銳意進
取于南割江西北秦鳳北取三關威武之聲震響夷
夏應機發策出人意表其伐南唐問計李穀復克淮南
盛穀疏以錦囊真人意表其右英武之材可謂雄傑又勤于
為治發奸摘伏聰明如神有司簿籍過目不忘且與王
處訥實儼之徒脩通禮如正刑統制度文為皆可不降受
世而仁以信令御羣臣以正義責隣國王環以不降受
賞劉仁贍以堅守蒙褒張美以私恩見疎嚴續以盡忠
獲存蜀兵以反覆就誅馮道以失節見棄此其好惡固
不凡矣况當是時王朴寔佐之其君臣相得近世以來
未之有也是以即位之明年廢天下佛寺三千三百八
十六以佛像鑄錢嘗夜讀書見唐元稹均田圖乃詔頒
圖法于天下使吏民先習知之期以一歲大均天下之

田其規模豈小小哉亦最注意元元留心邦本于五代
十二君之中獨稱為最漕運給耗慮倍輸也保任令錄
防貪穢也冬役春罷恐妨農也立兩稅法知早徵之為
害也設科取士知吏治之有方也併鄉置團耆絕公皂
之侵漁也積貸不責償欲下沾寔惠也親臨御苑以錄
囚徒恐獄多冤民也嘗與將相言曰連日之寒朕深愧
無功于民而坐享天祿惟親冒矢石與百姓除害差可
自安耳又命刻木為農夫織婦置諸殿廷以示務農重
本之意亦可謂賢主矣獨借其左右無勤學之臣欠格
心事業故于人道之間亦未免多有恃戾者又其用法
太酷羣臣職事小有不舉往往以見其不能不為盛德
意薛居正舊史悉書而備載之以承其統不足以為當
之累良可恨夫恭帝以區區孺子纂承天下所歸戴則
皇天之眷命然真人之德業日隆已為天下所歸戴則
其重負安得而不釋乎文獻通考周太祖實錄三十
卷陳氏曰張昭等撰顯德五年上昭即昭遠字潛夫濮
上人避漢祖諱止稱昭逮事本
朝為吏部尚書開寶五年卒

五代史記卷第十一下

五代史記卷第十二上

廬陵歐陽脩撰

徐無黨原注

南昌彭元瑞注

劉鳳誥排次

周本紀第十二

世宗睿武孝文皇帝

五代會要世宗睿武孝文皇帝諱
榮太祖養子姓柴氏追冊聖穆皇

后之姪也唐天祐十八年九月二十四日生于邢州之別墅以其日為天清節本姓柴氏邢州

龍岡人也柴氏女適太祖是為聖穆皇后后兄守禮子

榮幼從姑長太祖家以謹厚見愛太祖遂以為子五代史世

宗睿武孝文皇帝諱榮太祖之養子蓋聖穆皇后之姪

也本姓柴氏父守禮太子少保致仕帝以唐天祐十八
年歲在辛巳九月二十四日丙午生于邢州之別墅年
未童冠因侍聖穆皇后在太祖左右時太祖無子家道

淪落然以帝謹厚故以庶事委之帝悉心經度費用獲
 濟太祖甚憐之乃養為已子通鑑考異世宗實錄曰
 太祖皇帝之長子也母曰聖穆皇后柴氏以唐天祐十
 八年九月二十四日丙午生于邢臺之別墅隆平集
 柴翁者常獨居室人以為司冥事一日笑不止妻問其
 故不答翁嗜飲妻醉之以酒乃曰上帝有命郭郎為天
 子攷柴翁即守禮禮太祖後稍貴榮亦壯而器貌英奇善
 之父史佚其名

騎射畧通書史黃老性沉重寡言太祖為漢樞密使榮
 為左監門衛將軍太祖鎮天雄榮領貴州刺史天雄軍
 牙內都指揮使五代史漢初太祖以佐命功為樞密副
 使帝始授左監門衛將軍二年太祖鎮
 鄴改天雄軍牙內都指揮使乾祐三年冬周兵起魏犯
 領貴州刺史檢校右僕射

京師留榮守魏太祖入立拜澶州刺史鎮寧軍節度使
 檢校太傅同中書門下平章事五代史三年冬太祖入
 平內難留帝守鄴城廣

順元年正月太祖踐阼帝懇求入覲忽夢至河而不得
 渡尋授澶州節度使檢校太保封太原郡侯帝在鎮為
 政清肅盜不犯境先是澶之里街湫隘公署毀圯帝即
 廣其街肆增其廨宇吏民賴之二年正月兗州慕容彥
 超反帝累表請從行太祖嘉之及曹英等東討數月無
 功太祖欲親征召羣臣議其事宰臣馮道奏以方當盛
 夏車駕不宜衝冒太祖曰寇不可翫如朕不可行當使
 澶州兒子擊賊方辦吾事時樞密王峻意不欲帝將兵
 故太祖親征六月兗州平十榮素為樞密使王峻所忌
 二月加檢校太傅同平章事

廣順三年正月來朝不得留既而峻有罪誅三月拜榮
 開封尹封晉王五代史三年正月帝入覲三月授開封
 尹兼功德使封晉王五代會要廣順
 三年三月授開封尹封晉王

是冬卜以來年正月朔旦有事于南郊
 而太祖遇疾不能視朝者久之東都事畧曹翰大名
 也少為郡小吏周太祖
 鎮鄴奇之以隸世宗帳下世宗鎮澶淵以為牙校及尹
 開封翰猶在澶淵聞太祖寢疾不俟召見世宗密言曰

王為冢嗣不侍醫藥何以副天下望世宗悟入侍禁中以府事命翰總決世宗即位補供奉官稍遷樞密承旨世宗征淮南雷鎧甲千數在正陽既而遣降卒八百來京師翰遇之於道懼其過正陽劫兵器叛盡殺之及見世宗具言其事世宗不悅亦不之罪也從顯德元年正月征瓦橋會班師留翰知雄州改德州刺史

崩祕不發喪丙申發喪皇帝即位于柩前
原注于書封

子矣其餘假竊嗣君之禮不待譏貶而可知故皆無異辭矣其五代會要顯德元年正月判內外兵馬事其月二日即位於柩前年三十四月判內外兵馬事其月二日嘗與鄴中大商頓跌氏忘其名往江陵販賣茶貨至江陵見有卜者王處士其術如神世宗因頓跌氏同往問焉方布卦忽有一著躍出卓然而立卜者大驚曰吾家筮法十餘世矣嘗記會祖以來遺言凡卜筮而著自躍出者其人貴不可言況又卓立不倒得非為天下之主乎遽起再拜世宗雖佯言詰責而私心甚喜於逆旅中夜置酒與頓跌氏半酣戲曰王處士以我當為天子若

一旦到此足下要何官請言之頓跌氏曰某三十年作估來未有不由京洛者每常見稅官坐而獲利一日所入可以敵商賈數月私心羨之若大官為天子某願得京洛稅院足矣世宗笑曰何望之早耶及承郭氏之後踐阼頓跌猶在召見竟如初言與之數萬了髻小兒由順末京師訛言有人還魂見冥間有數萬了髻小兒由是無問貴賤之家小兒有髻子者皆刺之識者曰小兒元首者新君之兆也未幾世宗即位元首也

監門衛大將軍魏仁浦為樞密副使
五代史顯德元年

儀同三司檢校太尉兼侍中依前開封尹兼功德使判內外兵馬事時太祖寢疾彌留士庶憂沮及聞帝總判外兵柄咸以為愜王辰太祖崩祕不發喪丙申帝位出庚祖遺制晉王榮可于柩前即位羣臣奉帝即皇帝位庚子宰臣馮道率百寮上表請聽政凡三上壬寅帝見羣臣于萬歲殿門之東廡下樂善錄周三上壬寅帝見羣臣於殺戮有忤旨者魏仁溥皆歸罪於己以營救之賴全活者十七人淮南之役所獲敗卒九千人仁溥從容白以隸軍鋒刃之下無橫死者魏雖起自刀筆終能致位丞相與夫歸罪於人以逃責者豈不相遠其貴顯也

宜二月庚戌回鶻遣使者來丁卯馮道為大行皇帝山陵使太常卿田敏為禮儀使兵部尚書張昭為鹵簿使御史中丞張煦為儀仗使開封少尹權判府事王敏為橋道頓遞使漢人來討攻自潞州五代史二月庚戌潞州奏河東劉崇與契丹大將軍楊衮舉兵南指壬戌宰臣馮道率百察上表請御殿凡三上允之于卯以中書令馮道充山陵使太常卿田敏充禮儀使開封少尹權判府事王敏充鹵簿使御史中丞張煦充儀仗使開封少尹權判府事王敏充橋道使河東賊將張暉率前鋒自團栢谷入寇帝召羣臣議親征宰臣馮道等奏以劉崇自平陽奔遁之後勢弱氣奪未有復振之理竊慮聲言自來以誤于我陛下纂嗣之初先帝山陵有日人心易搖不宜輕舉命將禦寇深以為便帝曰劉崇幸我大喪聞我新立自謂良便必發狂謀謂天下可取謂神器可圖此際必來斷無疑耳馮道等以帝銳于親征朕何憚焉道曰陛下未可便學太宗帝又曰劉

崇烏合之眾苟遇王師必如山壓卵耳道曰不知陛下作得山否帝不悅而罷詔諸道募山林亡命之徒有勇力者送于闕下仍目之為強人帝以趨捷勇猛之士多出于羣盜中故令所在招納有應命者即貸其罪以禁衛處之至有朝行殺奪暮升軍籍讎人遇之三月辛巳不敢仰視帝意亦患之其後頗有不獲宥者

大赦癸未鄭仁誨畱守東京乙酉如潞州以攻漢原注

伐曲在周不可以大小壬辰次澤州閱兵于北郊癸巳

及劉旻戰于高原敗之原注與其不居于周不追及于

高平又敗之東都事畧韓令坤磁州武安人也令坤少

高平之戰以功領容州團練使世宗即位為殿前都虞候

都校以功拜武定軍節度使世宗伐淮甸命令坤等十

二將率兵以從襲揚州將吏聞周師至開門以迎之令

征有功恭帝即位為侍衛馬步軍都虞候又從世宗北

宗征河東戰于高平守信以功遷親衛左第一軍都指
揮使從征淮南又從征關南俱有戰功自江州防禦使
拜義成軍節度使又慕容延釗字化龍太原人也父
章開州刺史延釗少以勇敢聞漢高祖起也周太祖
為其佐命以延釗練使拜睦州防禦使從征淮南高平
殿前都虞候與宋延渥大破其軍淮南平遷殿前副
指揮使淮南節度使徙鎮寧為殿前副都點檢又都
孫重贊磁州武安人也少戰于高平力隸周太祖鐵
初為左班殿直從世宗戰于高平以功遷太祖騎指
又從征淮南以功領虔州刺史為行陳之馬仁瑀大
人也少不好學與羣兒戲必為行陳之馬仁瑀大
與之約鞭其後期者羣兒畏服及長善射周太祖鎮
仁瑀年十六因求見帳下太祖及置左右順初補內
殿直世宗即位會太原劉崇入寇世宗親征至高平周
師不利諸將引退仁瑀曰主辱臣死遂躍馬以進大軍
乘之崇敗績擢仁瑀為弓箭控鶴直指使又從征淮
南以功遷內殿直都虞候又從平三關揮使又從征
州信都人也少為盜晉天福中詣范陽事燕王趙延壽
延壽從耶律德光入京師以罕儒為密州刺史高平之

戰周世宗既戮敗將何徽樊愛能等乃擇驍勇士為將
以為招收都指揮使以功擢至團練使五代史補世
宗之征河東也駐蹕於高平劉崇兼契丹之眾來迎戰
時帥多持兩端而王師不利親軍帥樊愛能等帳崇方
樂飲酒以示閒暇及其奄至莫不驚駭失次世宗因以
奮擊遂敗之追奔于城下凱旋駐蹕潞州且欲出其不
意以誅退敗之者乃置酒高會指樊愛能等數人責之曰
汝輩皆累朝宿將非不能用兵者也然何寡人親戰而
欲將寡人作物貨賣與劉崇爾不足何謝天下宜其曲
崇始敗耶如此則卿等雖萬死不足於軍者甚眾其於
立功之士以次行賞自命行伍拔契丹得騎數千及觀
並著皆此類也初劉崇求援於契丹之眾宜勿用但
宗兵少悔之曰吾觀周師易與爾契丹之眾亦足使契
以本軍攻戰自當萬全如此則不惟破敵亦足使契丹
見而心服一舉而兩利兵之機也諸將以足為然乃使
人謂契丹主將曰柴氏與吾主客之勢不煩足下餘勿
敢請勒兵登高觀之可也契丹不知其謀從之泊世宗
之陣也三軍皆賈勇無不一當百契丹望而畏之故不

殺而崇敗論者曰世宗患諸將之難制也久矣思欲誅
 之未有其釁高平之役可謂天假故其斬決無貸焉自
 是姑息之政不行朝廷始尊大自非英主其孰能如此
 哉 五代史纂誤今按劉昫世家止云顯德元年三月
 親征甲戌戰于高平而已 丁酉幸潞州 巳亥侍衛馬軍都指揮使樊
 愛能步軍都指揮使何徽伏誅 聞見近錄次高原下觀
 兵陣方接東中酒角奔西北角次之王師敗績明日按軍
 不戰置酒軍中左右股栗太祖皇帝實預補中明
 拜七軍士不用命者太祖刃其笠以識之戰罷識者皆
 再戰軍士不用命者太祖刃其笠以識之戰罷識者皆
 斬之軍聲于是大 壬寅天雄軍節度使符彥卿為河東
 振崇走遂圍太原 兵馬監押穆令均部下兵士為賊軍所襲
 行營都部署 五代史三月丁丑潞州奏河東劉崇入寇
 官軍不利詔天雄軍節度使符彥卿領兵自磁州固鎮
 路赴潞州以澶州節度使郭崇副之詔河中節度使王
 彥超領兵取晉州路東向邀擊以陝府節度使韓通為
 副命宣徽使向訓馬軍都指揮使樊愛能步軍都指揮

使何徽清州節度使白重贊鄭州防禦使史彥超前耀
 州團練使符彥能等領兵先赴澤州辛巳制大赦天下
 常赦所不原者咸赦除之諸道州府所欠去年夏秋
 用應配流徒役人並放逐便諸道州府所欠去年夏秋
 租稅並放內外見任前文武職官並與加恩父母在者
 並與恩澤亡沒者與封贈其母妻未叙者特與叙封云
 前涇州節度使史匡懿卒癸未詔以劉崇入寇車駕取
 今月十一日親征甲申以樞密使鄭仁誨為東京留守
 乙酉車駕發京師壬辰至澤州癸巳王師與河東劉崇
 契丹楊衮大戰于高平賊軍敗績初車駕行次河陽聞
 劉崇自潞而南即倍程而進是月十五日夜宿于村舍十
 帝御戎服觀兵于東北郊距州十五里至澤州聞
 九日鋒與賊軍相遇賊陣于契丹萬餘騎嚴陣以待
 中來者云劉崇自將騎三萬並契丹頗亦嚴整乃令侍衛
 官軍帝促兵以擊之崇東西列陣頗亦嚴整乃令侍衛
 馬步軍都虞候李重進滑州節度使白重贊將左居陣
 之西廂侍衛馬軍都指揮使樊愛能步軍都指揮使何
 徽將右居陣之東廂宣徽使張永德以禁兵衛蹕帝
 以精騎當其中殿前都指揮使張永德以禁兵衛蹕帝
 介馬觀戰兩軍交鋒未幾樊愛能何徽望賊而遁東廂

騎軍亂步軍解甲投賊帝乃自率親騎臨陣督戰今日上
馳騎于陣前犯其鋒戰士皆奮命爭先賊軍大敗日
暮賊萬餘人阻澗而陣會劉詞領兵至與大軍迫之賊
軍又潰臨陣斬賊大將張暉及偽樞密使王延嗣諸將
分兵追襲殲尸棄甲填滿山谷初夜官軍至高平降賊
軍數千人所獲輜重兵器駝馬偽乘輿器服等不可勝
紀其夕殺降軍二千餘人我軍之降敵者亦皆就戮初
兩軍之未整也風自東北起不便于我及與賊相遇
風勢陡迴人情相悅戰之前夕官軍之上有雲氣如龍
墜于賊營之上及戰北人望見官軍之上有雲氣如龍
虎之狀則天之助順其然乎是日危急之勢頃刻莫
保賴帝英武果敢親臨寇敵不然而社稷幾若綴旒矣
是夕帝宿于野次甲午次高平縣詔賜河東降軍二千
餘人各絹二匹并給其衣裘鄉兵各給絹一匹放還本
部是日大雨戊戌車駕至潞州河南府上言前青州節
度使常思卒已亥侍衛馬軍都指揮使何徽等并諸將
愛能侍衛步軍都指揮使高平之役兩軍既成列賊騎來挑
校七十餘人並伏誅高平之役兩軍既成列賊騎來挑
戰愛能望風而退帝遣近臣宣諭止遏莫肯從命皆揚
時潰亂二將南走帝遣近臣宣諭止遏莫肯從命皆揚

言曰官軍大敗餘眾已解甲矣至暮以官軍克捷方稍
稍而迴帝至潞州錄其奔遁者自軍使以上及監押使
臣並斬之功欲貸其罪竟不可與愛能俱殺之何徽有平陽
守禦之功欲貸其罪竟不可與愛能俱殺之何徽有平陽
歸葬庚子以侍衛馬步都虞候李重進為許州節度使
以宣徽南院使向訓為滑州節度使如故以滑州節度使
張永德為武信軍節度使以鄭州節度使使史彥超為華州節
重贊為鄜州節度使以晉州節度使使元福為同州節
度使賞高平之功也揚廷璋為客省使吳延祚為同州節
度使張鐸為彰義軍節度使以客省使使蔡州防禦使宣徽
北院使張鐸為彰義軍節度使以客省使使蔡州防禦使宣徽
龍捷右廂都指揮使張順為登州防禦使密州防禦使
都指揮使孫延進為鄭州防禦使以前耀州團練使符彥能
揮使澤州防禦使為鄭州防禦使以前耀州團練使符彥能
為澤州防禦使為鄭州防禦使以前耀州團練使符彥能
候以殿前都虞候韓令坤為龍捷左廂都指揮使以鐵
騎第一軍都指揮使趙鼎為龍捷右廂都指揮使以鐵
散員第一軍都指揮使趙鼎為龍捷右廂都指揮使以鐵
鶴第一軍都指揮使趙鼎為龍捷右廂都指揮使以鐵

授團練使其餘改轉右差王寅以太原行府事以瀘州節度使
符彥卿為河東行營副都署以宣徽南院使向訓為行營
兵馬都監以侍衛都虞候李重進為行營都虞候以華
州節度使史彥超為先鋒都指揮使領步騎二萬進討
河東詔河東節度使王彥超陝府節度使隨駕都署以
陰地關討賊以河陽節度使劉詔為隨駕都署以劉顯
州節度使使白從贊為隨駕副使劉詔命河陽節度使
德元年三月親征河東四月能何徽之部兵也上以劉
押步騎三千赴雒州皆樊愛能詞押領分屯於維州
誅其諸將不欲加罪於眾乃遣宛邱人也父存審後唐
東都事畧符彥卿字冠侯陳州宛邱人也父存審後唐
宣武軍節度使五代史有傳彥卿年十三能騎射事莊
宗於太原以其謹厚合出入隊內莊宗滅梁以為散員
指揮使郭從謙之亂莊宗左右皆引去惟彥卿力戰殺
十餘人莊宗崩彥卿勸哭而去天成中以吉州刺史討
王都于定州改慶州刺史晉天福初拜同州節度使出
帝時為河陽三城節度使契丹入寇彥卿拒戰于瀘州
虜騎數萬圍高行周於鐵邱諸將相顧無敢當其鋒彥
卿引數騎力戰虜解去行周賴以移鎮許州封祁國

公與杜重威李守貞經畧北鄙遇契丹主圍之於陽城
衆十餘萬諸將無鬪志彥卿曰與其束手就擒曷若與
之力戰諸將然之彥卿大敗其衆契丹主乘橐駝而遁
車帳兵械悉為彥卿所獲改鎮武寧加同平章事契丹
滅晉彥卿遂歸於契丹契丹主以陽城之敗詰責彥卿
對曰臣事晉不敢愛死今日惟命契丹主笑而釋之徐
宋多盜契丹主遣彥卿歸鎮漢高祖入汴彥卿來朝改
鎮兖州加侍中兼中書令封魏國公拜太保移鎮青州
周太祖封彥卿為淮陽王鎮鄆州徙鎮天雄進封夏四
衛王世宗時拜太傅改封魏王恭帝即位加太尉夏四
月乙卯葬神聖文武恭肅孝皇帝于嵩陵原注在鄭州新鄭縣
州防禦使董希顏叛于漢來附丙辰遼州刺史張漢超
叛于漢來附辛酉取嵐憲州壬戌立衛國夫人符氏為
皇后取石沁州乙丑馮道薨庚午赦潞州流罪以下囚
如太原忻州監軍李勅殺其刺史趙臯叛于漢來附五代

史夏四月乙巳太祖靈駕發東京乙卯葬于嵩陵順河
節度使王彥超奏偽汾州防禦使董希顏以城歸順丙
辰偽遼州刺史張漢超以城歸順丁巳幸栢谷寺遣右
僕射平章事判三司李穀赴河東城下計度軍儲詔河
東城下諸將招撫戶口禁止侵掠只令徵納當年租稅
及募民入粟五百斛草五百圍者賜出身千斛千圍者
授州縣官辛酉符彥卿奏嵐憲二州歸順壬戌制立衛
國夫人符氏為皇后仍命有司擇日備禮冊命王彥超
奏收下石州獲偽刺史安彥進癸亥偽沁州刺史李廷
誨以城歸順甲子皇妹壽安公進主張氏進封晉國長
公主乙丑東京奏太師中書令馮道薨丙寅太祖皇帝
主附于太廟庚午曲救潞州見禁罪人除死罪外並釋
放是日車駕發潞州親征劉崇癸酉忻州偽監軍李勅
殺其刺史趙臯及契丹大軍楊努瑚以城歸順詔授李
勅忻州刺史馮道為瀛王五月丙子代州守將鄭
處謙叛于漢來附五代史纂誤今按劉旻世家云旻遣
珪殺防禦使鄭處謙以城降周并送得中于周今本契
紀止書鄭處謙叛漢而來附二者不同未知孰是

丹救漢丁酉回鶻使因難敵畧來符彥卿及契丹戰于

忻口敗績先鋒都指揮使史彥超死之五代史五月乙

邊歸讜守本官充樞密直學士以尚書戶部侍郎陶穀

守本官充翰林學士丙子車駕至太原城下是日偽代

州防禦使鄭處謙以城歸順不丑觀兵于太原城下帝

親自慰勉錫賚有差升代州為節鎮以靜塞軍為額以

鄭處謙為節度使戊寅斬偽命石州刺史安彥進于太

原城下以其拒王師也庚辰以前忠武軍節度使郭從

義為天平軍節度使遣符彥卿郭從義向訓白重贊史

彥超等率步騎萬餘赴忻州是夜大風發屋拔樹壬午

以宰臣李穀判太原府事辛丑升府州為節鎮以六
永安軍為軍額以本州防禦使折德展為節度使以六
月乙巳班師乙丑次新鄭遂拜嵩陵顯德元年六月車
駕征太原回親拜嵩陵望陵號慟至陵所俯伏哀泣感
於左右再拜訖祭奠而退賜奉陵將吏及近郊人戶帛
有庚午至自太原五代史六月癸卯朔詔班師車駕發
差離太原時大集兵賦及徵山東懷孟

蒲陝丁夫數萬急攻其城旦夕之間期于必取會大雨
時行軍士勞苦復以忻口之師不振帝遂決旋師之意
指麾之間頗傷忽遽部伍紛亂無復嚴整不逞之徒訛
言相恐隨軍資用頗有遺失者賊城之下糧草數十萬
悉焚棄之乙巳車駕至潞州癸卯帝發潞州乙丑幸新
鄭縣丙寅帝親拜嵩陵祭奠而退賜守陵將吏及近陵
戶帛有差庚午秋七月庚辰閱稼于南御莊癸巳樞密
院直學士工部侍郎景範為中書侍郎同中書門下平
章事五代史景範淄州長山人世宗以艱于國用乃以
範為中書侍郎平章事判三司範為人厚重剛正無所
屈撓然理繁治劇非其所長雖悉心盡瘁終無稱職之
譽世宗知之因其疾乃罷司計尋以父喪罷相東歸
顯德三年冬以疾卒于鄉里優詔贈侍中官為立碑焉
冊府元龜世宗即位七月癸巳制曰朕自履宸極思
平泰階出一合慮下民之未從行一事懼上穹之罔祐
晨興夕惕終歲于茲雖禮讓漸聞與行而風雨未之咸
若豈刑政之斯闕而德教之未孚哉繇是進用良臣輔

宜元化雖朕志先定亦輿情具瞻爰擇佳辰誕敷明命
樞密院直學士中大夫尚書工部侍郎上柱國晉陽縣
開國男食三百戶賜紫金魚袋景範昔佐先帝每罄嘉
謨逮事眇躬愈傾忠節奉上得大臣之體檢身為君子
之儒一昨戎輅親征皇都是守贊勳賢于畱府副徵發
于行營軍政所需國用無闕今則靈臺偃革宣室圖功
思先朝欲用之言成聖考得賢之美俾參大政仍掌利
權爾其明聽朕言往敷洪化予欲則垂象而清品彙爾
則順天道以序彝倫予欲懸合軍民之息戰爭爾則謹
章而恢廟畧五天人之際懸合軍民之息戰爭爾則謹
尊非爾孰處邦計之際懸合軍民之息戰爭爾則謹
效因循而保位竚聞成績用副虛懷可正議大夫中書
侍郎平章事判三司景範碑上柱國故銀青光祿大夫
中書侍郎同中書門下平章事上柱國故銀青光祿大夫
食邑三百戶贈侍中景範碑上柱國故銀青光祿大夫
尚書水部員外郎知制誥柱國賜緋魚袋臣扈載奉勅
撰翰林待詔朝議郎守司農寺丞臣孫崇望奉勅書帝
軒轅乘土德之運其臣曰豢龍祝融能辨方域以制區
夏帝媯氏禪陶唐之基其臣曰伯夷后夔能典禮樂以
和人神三政嗣興圖史濔盛彌綸輔翊代有其人皆金

五代史卷之三十一 周本紀

策丹書絢績功業垂其訓聚而為墳典形其美流而為
歌頌陋篆籀之質畧我則潤之以誌行千載之下粲然
可觀者其惟神道之表乎故中書侍郎平章事景公諱
範之私第天子廢視朝軫軾奪之祀冬十一月薨于淄川
郡之私第天子廢視朝軾軾奪之祀冬十一月薨于淄川
奠飾終之典斷孔悝燹鼎不出廟門杜預豐碑空沈漢
水姑自矜於名氏誠未顯於邦家與夫輝焯帝恩導揚
休闕綸旨直而叙王於夢澤差大君之命臣聞景氏之
先出於芊姓從楚王於夢澤差大君之命臣聞景氏之
地勝氣清惟公故里夫嘉遜絕世高臥於是者足以闕
故公之先由烈考太僕府君之登相位而申甫之祥著
皆貞晦不仕介亨天爵而闕君之登相位而申甫之祥著
矣昔者聖人之教天下也本之以仁義制之以經籍是
謂人文闕是以公輔之位必由稽古升廊廟之以經籍是
經術顯而公以明經擢第於春官氏則賢哲之闕於高
密郡秩滿而授范縣令大鵬之翼鍛北溟以未舒蟄
雷之聲殷南山而不起闕政也通人之才變而順則方圓之
量不能局故公之佐縣政也通人之才變而順則方圓之

也闕而從之者則人謂其賢且能矣粵若日月之彩得
天而大明風雲之期遇屯而勃起闕我太祖聖神恭肅
文武孝皇帝建大功於漢室為北藩於魏郡初筵既開
得賢斯盛於是闕龍飛在天躬載曜靈至於宵極皇業
肇建制以公為秋曹郎進階至朝散大夫闕惟聖人執
左契臨萬邦經久制大命日政之機國之大柄總於樞
務者可謂重矣闕公為左司郎中充樞密直學士尋轉
諫議大夫充職今皇帝嗣位之始登用舊臣而并人乘
我大喪擁眾南寇親征之舉迅若奔雷分命大臣闕振
帝威黃鉞白旌殪羣兇而皆盡參旗河鼓導清蹕以言
旋大禮既已平允服又已定闕聖謨尤大邦之調用闕俗
爰立之命帝心允孚六府肇脩兵賦尤大邦之調用闕俗
大運逢時洪鈞在手資忠孝於君父享富貴之崇高而
盡瘁之勞因成恙疾封章疊上優詔褒稱聽解利權闕
以列卿歸第懸車故鄉嗟風樹之晨驚絕哀與性盡臥
見星而往夕露方多泣血以居晨之驚絕哀與性盡臥
疾而終享年五十有二闕觀夫公之行事則其道也
而粹充焉無能稱其言也直而肆蹇蹇焉無所忌耿
介以自安勁直以自斷無悔吝古人之操何以尚也秉
筆者得無愧於詞矣許國夫人李氏嗣子太廟齋郎儼

信等斷子事終之禮佳城閉日長楸篲雲勒銘垂休以
示千古其詞曰長山蒼蒼淄水湯湯哲人之生逢時會
昌哲人之逝魂游舊鄉高山何世而弗新善有名兮獨遠
猗歟公兮時用不顯顯德三年歲次魏仁浦為樞密使
丙辰十二月己未朔越十日戊辰建魏仁浦為樞密使
五代史秋七月癸酉朔前河西軍節度使以所部厚責授
右監門衛率府副率師厚在涼州歲餘以所部厚責授
精反覆奏乞入朝尋畱其子為畱後不俟詔離任故責
之乙亥天雄軍節度使衛王符彥卿進位守太傅改封
魏王鄆州郭從義加兼中書符彥卿移鎮永興軍
加兼侍中許州節度使親軍都指揮使以武信軍節度使
加同平章事兼侍衛親軍都指揮使以武信軍節度使
兼殿前都指揮使張永德為滑州節度使加檢校太尉
典軍如故同州藥元福移鎮陝州加檢校太尉韓通移鎮曹州加檢
重贊移鎮河陽加檢校太尉于諸侯且賞從征之功也丙
校太傅帝即位之初覃慶于刑部侍郎權判開封府事
子以前禮部侍郎邊光範為刑部侍郎開封府事
丁丑天下兵馬元帥吳越國王錢俶加天下兵馬都元

五代史卷之三十三 周本紀

帥襄州節度使陳王安審琦加守太尉戊寅右散騎常
侍張可復卒以前亳州防禦使李萬金為鄜州雷後庚
辰幸南莊辛巳荆南節度使李夔與加守王高保融加守中書
令夏州節度使西平王李燧與加守王高保融加守中書
行德徐州王晏鄧州侯章並加守中書王高保融加守中書
進達加兼中書令天德軍節度使郭勳邠州折從阮安
州李洪義並加兼中書令天德軍節度使郭勳邠州折從阮安
州節度使加兼中書令天德軍節度使郭勳邠州折從阮安
河曹英並加兼中書令天德軍節度使郭勳邠州折從阮安
州曹英並加兼中書令天德軍節度使郭勳邠州折從阮安
加檢校太尉王辰百寮以上表請以九門下侍十四日誕聖
日為天清節從之癸巳以左僕射兼門下侍郎平章事宏文館
監脩國史范質為守司徒兼門下侍郎平章事宏文館
大學生以左僕射兼門下侍郎平章事宏文館
判三司李穀為守司徒兼門下侍郎平章事宏文館
以中書侍郎平章事王溥為中書侍郎平章事宏文館
章事集賢殿大學士以樞密院學士工部侍郎景範為
中書侍郎平章事大學生以樞密院學士工部侍郎景範為
鄭仁誨加兼侍中章事判三司樞密使檢校孫友邢州田景
咸並加檢校太傅晉州楊廷璋加檢校太保以太子詹

五代史卷之三十三 周本紀

事趙上交為太子賓客乙未以樞密副使右監門衛大
將軍魏仁浦為樞密使檢校太保丙申以中書舍人史
館脩撰判館事劉温叟為禮部侍郎判館如故丁酉相
州節度使王進卒八月壬寅朔以樞密院直學士尚書右丞
為右監門衛大將軍充職以樞密院直學士尚書右丞
邊歸讜為尚書左丞充職甲辰幸南莊賜從臣射乙巳
以吏部侍郎顏行爲工部尚書致仕丙午同州節度使
孫方諫卒已酉前澤州刺史李彥崇領兵守江猪嶺以
高平之役帝與賊相見王師已郤卽時而退及劉崇兵
遏寇之歸路彥崇初見王師已郤卽時而退及劉崇兵
敗果由茲嶺而遁故有是責子郤卽時而退及劉崇兵
爲同州雷後癸丑以吳越國內外都指揮使吳延福爲
寧國軍節度使檢校太尉從錢俶之請也郎中兼太子少師
宋彥筠爲太子太師致仕母也故以福慶部郎中致仕景
士尹拙爲國子祭酒丙辰皇始已以戶部郎中致仕景
初爲太僕卿致仕宰臣範之劉悅康澄並爲右散騎常
軍依舊爲郡庚午以給事中劉悅康澄並爲右散騎常
侍辛未以左散騎常侍裴巽爲御史中丞詔爲右散騎常
張煦爲兵部侍郎集賢殿學士判院事司徒詡爲吏部丞

侍郎以左散騎常侍薛冲又爲工部侍郎九月壬申朔
以東京舊宅爲皇建禪院甲戌以武安軍節度副使知
潭州軍府事周行逢爲鄂州節度使知潭州軍府事加
檢校太尉丙戌右屯衛將軍薛訓除名流沙門島坐監
雍邱倉縱吏卒培斂也己亥以太保致仕韓昭允左
僕射致仕楊凝式並爲太子太保致仕以太子太傅致
仕李肅爲太子太師致仕辛丑斬宋州巡檢供奉官副
都知竹奉璘于寧陵縣坐盜掠商船不捕獲也五代
會要七月進封衛冬十月甲辰殺左羽林大將軍孟漢
王符彥卿爲魏王陵縣坐盜掠商船不捕獲也五代
瓊五代史冬十月甲辰殺左羽林大將軍孟漢
州節度使王晏以貝州節度使王饒爲相州節度使徐州
節度使王晏以貝州節度使王饒爲相州節度使徐州
節度使王晏以貝州節度使王饒爲相州節度使徐州
坤爲洋州節度使龍捷左廂都指揮使泗州防禦使韓令
都指揮使永節度使充侍衛馬軍都指揮使泗州防禦使韓令
步軍都指揮使永節度使充侍衛馬軍都指揮使泗州防禦使韓令
二州依舊爲防禦使巴西太子繼勳爲利州節度使充侍衛
防禦使依舊爲防禦使巴西太子繼勳爲利州節度使充侍衛

曰竊以自古王者咸建史官君臣獻替之謀皆須備載
家國安危之道得以直書歷代已來其名不一人君言
動則起居注創于累朝輔相經綸則時政記與于前代
然則採其事實編作史書蓋緣聞見之間須有來處記
錄之際得以審詳今之左右起階螭頭之古之左右史也
唐文宗朝命其官執筆立牙殿直學士皆輪脩日曆政事
後則明宗朝命其官端明殿及樞密直學士皆輪脩日曆政事
送史官以備纂脩及近朝此雖有訪聞史官唯憑百司報
狀館司但取兩省制書此外雖有訪聞史官唯憑百司報
先皇帝創開昌運及皇帝陛下雖有訪聞史官唯憑百司報
神謀睿器皆係萬幾宥密丹禁深嚴非外臣之規別命近
庶僚之可訪此後欲望以密詢之制外臣之規別命近
臣旋之抄錄每當脩撰之日即令封付史館直學士起
漏畧之文職業免踈遺之咎從之因命樞密直學士起
今後于樞密使處逐月抄錄事件送付史館直學士起
官郝光庭棄市坐在葉縣巡檢日挾私斷殺平人也是
日大閱帝親臨之帝自高平之役觀諸軍未甚嚴整遂
有退卻至是命今上一概簡閱選武藝超絕者署為殿
前諸班因是有散員散指揮使內殿直散一都頭鐵騎控
鶴之號復命總戎者自龍捷虎捷以降一選之老弱

五十五頁之三

羸小者去之諸軍士伍無不精當由是兵甲之盛近代
無比且減冗食之費焉十一月戊寅以太子賓客石光
贊為兵部尚書致仕壬午鎮州節度使曹英卒乙酉以
瀘州節度使郭崇為鎮州節度使乙未以荆南節度副
使歸州刺史高保勗為寧江軍節度使檢校太尉充荆
南節度行軍司馬戊戌詔宰臣李穀監築河隄先是鄆
州界河決數州之地洪流為患故命穀治之役丁夫六
萬人三十日而罷十二月己酉太師侯益以本官
致仕數五代會要周顯德元年河南奏汜水縣民家生
紫芝數莖以進至三年紫芝進免頌又周顯德元年
十月侍郎知制誥陶穀進紫芝白兔頌又周顯德元年
左右史也唐文宗朝命其官執筆立於殿階螭頭之下
以紀政事後則明宗朝命其官端明殿及樞密院直學士皆
輪脩日曆旋送史館以備纂脩降及近朝此其事皆廢今
後欲望以諮詢之事裁制之規別命近臣旋具抄錄每
當脩撰日曆即奉封送史館抄錄之因命樞密院直學士
起今後於樞密使處逐月抄錄事件送付史館又十
月上謂侍臣曰侍衛兵士累朝已來老少相半強懦不
分蓋徇人情不能選練今春朕在高平與劉崇及蕃軍

五十五頁之三

周本紀

十四

相遇臨敵有指使不前者苟非朕親當堅陣幾至喪敗
況百戶農夫未能贍一甲士且兵在精不在眾宜令一
一點選精銳者升在上軍怯懦者任從安便庶期可用
又不虛費先是上按于高平觀其退縮慨然有懲革之
意又以驍勇之士多為外諸侯所占于是召募天下豪
傑不以草澤為阻進于闕下諸班因有散員散指揮使內殿
前直散都頭鐵騎控鶴之號五代春秋甲寅顯德元
年正月丙申帝即位晉人契丹戰于高平晉人契丹敗
北征次澤州癸巳及晉人契丹戰于高平晉人契丹敗
績丙戌次潞州癸巳及晉人契丹戰于高平晉人契丹敗
陵馮道薨五月丙子帝愛能何徽四月葬高平晉人契丹敗
午帝至自太原文獻通考太原城下師圍太原不克庚
高平謀肅軍政初宿衛之士累朝相習務求姑息不欲
簡閱恐傷人情由是羸老者居多但驕蹇不用命實不
可用每遇大敵不走則降其所以失國多由此帝因高
平之戰始知其弊謂侍臣曰凡兵務精不務多今以農
夫百未能當甲士一柰何朕民之膏澤養此無用之物
乎且健懦不分眾何所勸乃命大簡諸軍精銳者升之
上軍羸者斥去之又以驍勇之士多為諸蕃鎮所蓄詔

五代史記卷之三十一 九之九

募天下壯士咸遣詣闕命太祖皇帝選其尤者為殿前
諸班其騎步諸軍各命將帥選士由是士卒精強近代
無比征伐四方所向皆捷選練之力也又周顯德元
年詔築壇北郊以孟冬祭司寒其藏永開永之祭俟永
室成即行之梁溪漫志五代自唐以來中書
樞密皆置時政記周顯德中密院置內庭日歷
二年原注五代亂世以嗣君即位者五而改元不改古
明年然後改漢隱帝周世宗即位踰年宜改元而不改又
不改而本紀無譏者但書其實自見其失也號終其世
歷又有踰年而不改元者梁末帝追承乾化晉少帝襲
天福至九年孟昶仍父明德漢高祖追用晉天福隱帝
仍父乾祐周世宗仍太祖顯德皆非禮之正春五代史
唐哀帝仍昭宗天祐蓋畏朱溫而不敢云春顯德二
年春正月辛未朔帝不受朝賀辛卯詔在朝文班各舉
堪為令錄者一人雖姻族近親亦無妨嫌授官之日各
署舉主姓名若在官貪濁不任懦弱不理並量事狀重
輕連坐舉主乙未詔應逃戶莊田並許人請射承佃供
納稅租如三周年內本戶來歸者三分交還一分荒熟並
交還一半五周年內歸業者三分交還一分五周年外

五代史記卷之三十一

周本紀

十五

歸業者其莊田除本戶墳塋外不在交付之限其近北
地諸州應有陷蕃人戶自蕃界來歸業者五周年內來
者三分交還二分十周年內來者交還一半十五周年
來者五代會要周顯德二年二月外來者不在交還之限
朝文資官翰林學士兩省內有會歷藩郡兵職州縣官
者宜各舉堪為令錄者一人務在強明清慎公平勤恪
其中已有曾任親合錄亦許稱舉並當擢用不拘選限資
序雖姻族近親亦無妨嫌祇須舉並當擢用不拘選限資
仍具舉主姓名若在官貪濁不令懦弱不治職業廢缺
處斷乖違並量事狀輕重連坐仍令御史臺催促本官
旋具奏聞限兩月舉狀齊足如出使在外者候迴日准
此指二月御札求直言賜五代史二月戊申遣使赴西京
揮宋彥筠等茶藥錢帛各有差仍降詔存問壬戌詔曰善
操理者不能全功善處身者不能無過失雖堯舜禹
湯之上聖文武成康之至明尚猶思逆耳之言求苦口
之藥何況後人之不逮哉朕承先帝之靈居至尊之位
涉道猶淺經事未深常懼昏蒙不克負荷自臨宸極已
過周星至于刑政取捨之間國家措置之事豈能盡是

五代史卷之三十一 周本紀

須有未周朕猶自知人豈不察而在位者未有一人指
朕躬之過失食祿者曾無一言論時政之是非豈朕之
寡昧不足與言耶豈高卑之循默未肯盡心耶豈左右前
後有所畏忌耶豈小人之受小祿又云官箴王闕則古人云君子
大言受大祿小言受小祿又云官箴王闕則古人云君子
致其言此朕之過也得不求骨鯁之辭詢正直之議共
申裨益庶洽治平朕于卿大夫才不能盡知面不能盡
識若不採其言而觀其行審其意而察其忠則何以見
器量之淺深知任用之當否若言之不察不入罪實在于苟
求之不言咎將誰執應內外文武臣寮今後或有時見
所聞並許上章論諫若朕躬之有闕失得以盡言時見
之有瑕疵勿宜有隱方求名實豈尚虛華苟或素不工
文但可直書其事辭免至多慮者固當捨短言涉傷忤者
必與畱中所冀盡情免至多慮者固當捨短言涉傷忤者
舉職事有不便者革之可也理有可行者舉之可也勿
務因循漸成訛謬臣寮有出使在外迴者苟或知黎庶
之利病聞官吏之優劣當具敷奏以廣聽聞班行職位
臧奉公切直者當議甄升臨事蓄縮者須期抑退翰林

五代史卷之三十一 周本紀

學士兩省官職居侍從乃論思諫諍之司御史臺官任
處憲綱是擊搏糺彈之地論其職分尤異羣臣如逐任
官內所獻替啟發進止三月辛未以李晏口為靜安軍其
書門下先奏取進止三月辛未以李晏口為靜安軍其
軍南距冀州百里北距深州三十里夾胡盧河為壘先
是貝冀之境密邇戎疆居常敵騎涉河而南馳突往來
洞無阻礙北鄙之地民不安居帝乃按圖定策遣許州
節度使王彥超曹州節度使韓通等領兵他徙築壘于
李晏口以兵戍守功未畢契丹眾尋至超等擊退之及
壘成頗扼要害自是敵騎雖至不敢涉河邊民稍得耕
牧焉壬辰尚書禮部貢院進新詔及第進士李覃等一十
六人所試詩賦文論策文等詔曰國家設貢舉之司求
英俊之士務詢文行方中科目名比聞近年已來多有濫
進或以年勞而得第或因媒勢以出身今歲所放舉人
試令看驗果見紕繆須至去雷其李覃何暇楊徽之趙
鄰幾等四人宜放及第其嚴說武允成王汾閻邱舜卿
任惟吉周度張慎徽王翥馬文劉選程浩然李震等一
十二人藝學未精並宜勾落且令苦學以俟再來禮部
侍郎劉溫叟失于選士頗屬因循據其過尤合行譴
尚示寬恕特與矜容劉溫叟放罪其將來貢舉公事仍

令所司別具條理以聞五代會要顯德二年三月勅
禮部貢院奏今年新及第進士李覃嚴說何儼武允成
王汾閻邱舜卿楊徽之任惟吉趙鄰幾周度張慎徽王
翥馬文劉選程浩然李震等一十六人所試詩賦文論
策文等國家設貢舉之司求俊茂之士務詢文行以中
科名比聞近年以來多有濫進或以年勞而得第或因
媒勢以出身今歲所貢舉人試令看驗果見紕繆須至
去雷其李覃何儼楊徽之趙鄰幾等四人宜放及第其
嚴說武允成王汾閻邱舜卿楊徽之任惟吉周度張慎徽
馬文劉選程浩然李震等一十二人藝學未精並宜勾
落且令苦學以俟再來禮部侍郎劉溫叟失於選士頗
屬因循據其過尤合行譴容劉溫叟放罪其將來貢舉
年二月書門下奏國子監祭酒尹拙狀稱准勅又二
經典釋文三十卷雕造印板欲請兵部尚書張昭太常
卿田敏同校勘其經典釋文已經本監官員校勘外
宜差張昭夏五代史夏四月庚戌以內客省使李彥頽
田敏詳校夏五代史夏四月庚戌以內客省使李彥頽
經朝謝行過州府不得受館驛供給及所除御史未
詔於京城四面別築羅城期以來春興役戊午以翰林

言曰向某殺此婦人徐徐掉臂而去警巡者義之且憚其勇力不敢追捕因亡命會赦方歸父憂之形於顏色父長老有節行與故中執憲滕公善滕曰敢撩虎鬚以速計於滕曰日用何術免此子破吾家滕曰易曉爾四年有禍向父曰某之子雖如此觀其性亦易曉爾側吾之前有一儒生五十餘魁岸落魄箕踞坐於某之門側吾之子自外而歸熟視儒生弗之顧吾之子尋卻出詬責儒生幸吾被儒服履儒行若二年前未識書時爾輩若然因起攝衣示吾子雙手曰見此乎觀其筋力粗壯狼虎人謂庸儒敢箕踞傲視若遂容易辱罵欲拳毆之及本謂庸儒敢箕踞傲視若遂容易辱罵欲拳毆之及聞儒者言見儒者志因謝曰某知過矣遂延入命酒飲之儒生漸見某之子折節設拜而去由是觀之乃易曉爾父歸謂中令曰滕秀才實名士闔郡重之我見汝為作恐陷羅網何不往候秀之中令夜乘月叩滕扉延入中令曰昨父教某合候謁秀才滕與語應答皆有理落落一奇士爾何受汚於兇暴之黨歟滕因謂中令曰未識吾子潞之中外一辭以盜蹠待之今觀君才貌貴人爾幸自

愛無與非類同游處徵引古人之未遇為賊為盜一旦折節垂千古名若周處輩中令聞之改矣歸拜其父曰令曰自此願叔事秀才今聞滕秀才教我是滕秀才活我命矣某雖父母生我今聞滕秀才教我是滕秀才活我命矣具以叔事滕秀才之語告其父父聞之不數年潞之識者豪俠徒侶甘言謝絕之多造請於滕不數年潞之識者皆曰此向家千里駒爾出衣冠類儒者容止閑雅不接非類聞有德行道藝者多入就訪之無何父歿除辭潞之親戚有四方之志焉累謁侯伯皆曰尋常人輒去歲饑途多盜賊由石會關欲入河東時有常侍中右職郭勳為石會關鎮使兼主關市郭知書有識鑒向謁之郭勳為石會關鎮使兼主關市郭知書有識鑒向謁之君鮮衣美儀貌不類貧約者此去畏塗非利往矣兼近聞有一火賊去鎮五七里時嘗習弓弩過客無全者更俟淡旬間有伴侶三二人某亦集鎮丁壯送君出關路向志不可留且曰不勞人送鎮將郭勳觀其不可留日善自為謀向遂行不三十餘里遇羣盜數十人於路側射弓向直詣賊所徧揖之因自陳姓名某從職軍將失主無託今往河東欲投事一僮兩驢隨身衣裘一兩

貫盤纏外更無財物近知前程去者皆遭劫剝幸諸君
周旋勞三五人送過前內一程長髯大面壯捷魁偉
笑顧同輩曰觀此人要我等送何也中有一人曰彼有
弓箭試請伊射凡箭皆出括可半寸許羣盜驚歎留坐
取弓射兩頭謙讓久之謂不日否容弟兄輩管領向日
與語且曰僕射如此且住三兩日前進向告之故明日
許之却迴至關郭動訝之謂不日前進向告之故明日
迄暮盜魁果令人來請向白隨之離鎮可六七里於墓
林之側設席具饌器物皆白飲酒盜魁亦然食訖命
之既坐以酒勸向曰素不飲酒盜魁亦然食訖命
取送路來須臾一盜齋銀一挺牽一馬至素鞍勒全盜
魁曰僕射無馬聊代步爾銀小偷十人送至前向皆
納此皆驅使者有盜魁指揮小東充茶湯之費向皆
曰此皆驅使者有盜魁指揮小東充茶湯之費向皆
晉陽漢祖位望隆重如無意即痛達之時周祖尚為隨使
孔目官漢祖託之心腹門戶已通矣周祖尚為隨使
路隅趨出手執狀自稱姓名遂拜周祖顧視久之及歸於
召而問之具以所求之意對且曰某四海無徒願在左
右周祖曰某見在大王門下豈敢奉畱向發言慷慨誠

五代史卷之三十一 周本紀

至堅確周祖憫之每日候周祖歸趨拜如前一日周祖
召之入宅徐曰嫌奉勞日僕射在客不拜恐大王探知將
謂某招人再三致謝自此移在周祖宅內周祖與同食
相伴向禮甚恭周祖於器重之劉高祖舉兵南漢祖有
授周祖樞密副使向於周祖始盡服事之禮焉漢祖有
天下祖為樞密使周祖始盡服事之禮焉漢祖有
關平三祖岐蒲雍也中祖密使從奇計密謀大有裨益
師旅周祖多與中令參決焉高祖事無大小盡以付之
倍常時多與中令參決焉高祖事無大小盡以付之
漢少主密計欲圖周祖多周祖既覺三軍推戴擁兵向關
至於受禪中令之力為多當世宗時下秦鳳戰高平戮
馬步都校何徽樊愛能已降數百人皆中令盡淮南朔南
是世宗兵威大振南北所無使仗節鉞於方面西
霸上之境皆為內地歷南院宣徽使師節鉞於方面西
京畱守官至中書合歸全手足於京師第令名終始動
業顯赫近朝侯王一人而已在洛陽委政事於賓席種
竹藝樹縱妓樂恣遊適以自晦不積財帛去世未十稔
子弟有凍餒者好賢重士待人豁然無疑忌心不枉刑
不擾民大有功於世終身未嘗自伐皆古之侯王所難

五代史卷之三十一 周本紀

尼並騰併于合留寺內安置天下諸縣城郭內若無
勅額寺院祇于合停廢寺內安置功德屋宇最多者或
寺坊郭及二百戶已上者亦依諸縣例指揮如邊遠州
鎮無勅額寺院處于停廢寺內僧尼各留兩所今後
郡不得勅額造寺院蘭若王公戚里諸道節刺已下
並不得奏請勅造寺院及請開置戒壇男子如伯叔
願出家者並取父母祖父母處分已孤者取同居伯叔
兄弟處分候聽許方得出家男女年十五已上念得經文七
百紙或讀得經文五百紙經本府陳狀乞剃頭委錄事
十紙或讀得經文三百紙經本府陳狀乞剃頭委錄事
參軍本判官試驗經文其未剃頭須留髮髻如有私
剃頭者卻勒還俗其本師決重杖勒還俗仍配役三
年兩京大名府北京北府青州各處置戒壇候受戒時兩
京委祠部差官引試其大名府等三處祇委本判官錄
事參軍引試如有私剃頭受戒者其本人師主臨壇三綱知
事僧尼並同私剃頭例科罪應合剃頭受戒人等逐處
聞奏候勅下委祠部給付憑由方得剃頭受戒應男女
有父母祖父母在別無兒息侍養不聽出家會犯罪
遭官司刑責之人及棄背父母逃亡奴婢姦人細作惡

五不... 月...

逆徒黨山林亡命未獲賊徒負罪潛竄人等並不得出
家剃頭如有寺院輒容受者其本人及師主三綱知事
僧尼鄰房同住僧並仰收捉禁勘申奏取裁僧尼俗士
自前多有捨身燒臂鍊指釘截手足帶鈴掛燈諸般毀
壞身體試弄道具符禁左道妄稱變現還魂一切絕如
聖燈妖幻之類皆是聚眾眩惑流俗今後一切止絕如
有此色人仰所在嚴斷遞配遠仍勒歸俗其犯罪
重者準格律處分每年造僧帳兩本其一歸本奏聞一本
申祠部逐年四月十五日勒諸縣取索管界寺院僧
尼數目申州州司攢帳至五月終已前文帳到京僧尼
籍帳內無名者並勒還俗其存寺禮行脚出入往來一切
取便廢寺諸道供到帳籍所存寺禮行脚出入往來一切
四所廢寺院凡三萬二千三百三十一寺僧尼係籍者六萬九
千二百八十五人戊寅以刑部侍郎邊光範為戶部侍郎以前
御史中丞裴巽為刑部侍郎已卯刑部員外郎陳渥賜
死坐檢齊州臨邑縣民田失實也渥為刑部員外郎陳渥
守以微累而當極刑時論惜之戊子以沙州雷後曹元
忠為沙州節度使檢校太尉同平章事丙申禮部侍郎
竇儀奏請廢童子明經二科及條貫考試次第從之六
月己酉以曹州節度使韓通充西南面行營都虞候丙

五不... 月...

三

事進封開國伯以樞密院承旨張美權判三司辛亥詔
今後應有病患老弱馬並送同州沙苑監衛州牧馬監
就彼水草以盡飲斲之性庚子太子太師致仕趙暉卒
乙丑詔曰今後諸處祠祭應有牲牢香幣饌料供具等
仰委本司官吏躬親檢校務在精至行事儀式依附禮
經大祠祭合用樂者仍須祀前教習凡關祀事宜令太
常博士及監察御史用典九月丙寅朔頒銅禁五代史
點檢稍或因循必行朝典九月丙寅朔頒銅禁五代史
寅朔詔禁天下銅器始議立監鑄錢癸未以太子賓客
趙上交為吏部侍郎以吏部侍郎于德辰司徒詔並為
太子賓客乙酉詔文武百寮今後遇天清節依近臣例
各賜衣服辛卯西南面招討使王景部送所獲西川軍
校姜暉已下三百人至闕午詔所獲西川軍校
兵馬監押程支等二百人至闕午詔所獲西川軍校
已下並釋之各賜錢帛有差五代會要顯德二年九
月一日勅國家之利泉貨為先近朝已來久絕鑄造至
於私錢不禁銷鑄歲月漸深奸弊尤甚今採銅與冶立
監鑄錢冀便公私宜行條制起今後除朝廷法外其餘
官物及鏡并寺觀內鐘磬鉞相輪火鉢鈴鐸外其餘銅
器一切禁斷應兩京諸道州府銅象器諸色衰較所

用銅限勅到五十日內並須毀廢送官其私下所納到
銅據一斤兩給付價錢如出限有隱藏及埋窖使用者一
兩至一斤所犯及知情徒二年所犯及知情徒二年
七至十斤所犯及知情徒三年所犯及知情徒三年
人各徒五年所犯及知情徒五年所犯及知情徒五年
二至十貫役一年所犯及知情徒五年所犯及知情徒五年
年配役一年所犯及知情徒五年所犯及知情徒五年
三十貫其一人若納節級四隣杖一百捉事告事人賞錢
生銅每斤其一人若納節級四隣杖一百捉事告事人賞錢
許人收買於諸處與販其朝廷及諸州見管法物軍器
官物舊用銅製造并裝飾者侯經使用破壞即時改
仍今後不得更使銅內有合使節帝御廣政殿文武百
元龜顯德二年九月己丑顯德二年九月己丑
察上壽德二年九月己丑顯德二年九月己丑
銅器始議官鑄錢一卷記五代諸侯擅改錢幣之由閏月
陶岳撰貨泉錄一卷記五代諸侯擅改錢幣之由閏月
癸丑向訓克秦州景奏大破西川賊軍于黃花谷擒偽
命都監王巒孫韜等一千五百餘人癸丑秦州偽命觀
察判官趙玘以本城降詔以玘為郢州刺史先是帝以

西師久次艱于糧運命今上乘驛赴軍前以觀攻戰之勢及迴具以事勢上奏帝甚悅至是果成功焉甲子秘書少監許遜責授蔡州別駕坐冬十月辛未取成州戊先假寶氏圖書隱而不還也

寅高麗使王子太相融來取階州五代史冬十月庚午

金器鞍馬有差辛未成州歸順癸酉以給事中王敏為工部侍郎戊寅高麗國遣使朝貢丁亥右散騎常侍康

澄責授環州別駕左司郎中史又元責授商州長史左

驍衛大將軍元霸責授均州別駕右驍衛將軍林延禎

責授登州長史澄等奉使浙中迴日以私便停畱逾時

復命故有是責右諫議大夫李知損配流沙門島坐妄

貢章疏斥是貴近及求使兩浙故也丑前太常卿邊

蔚卒是月始議南征玉海後周紀顯德二年十月癸

賓院禮十一月乙未朔李穀為淮南道行營都部署以

伐唐戊申王景克鳳州五代史十一月乙未朔以宰臣

署知廬壽等州行府事以許州節度使王彥超為行營

副部署命侍衛馬軍都指揮使韓令坤等一十二將各

帶征行之號以從焉己亥諭淮南州縣詔曰朕自繼承

基構統御寰瀛方當恭己臨朝誕脩文德豈欲與兵動

衆專耀武功顧茲昏亂之邦須舉弔伐之義蠢爾淮甸

敢拒大邦因唐室之陵遲接黃寇之紛亂飛揚跋扈垂

六十年盜據一方僭稱偽號幸數朝之多事與北境以

交通厚啟戎心誘為邊患晉漢之代寰海未寧而乃招

納叛亡朋助凶慝李金全之據安陸李守貞之叛河中

大起師徒來為應援攻侵高密殺掠吏民迫奪閩越之

封疆塗炭湘潭之士庶以至於我朝啟運東魯不庭發兵

而應接叛臣觀釁而憑陵徐部沭陽之役曲直可知尚

示包荒猶稽問罪邇後維揚一境連歲阻飢我自來禁戢

彼災荒大許羅易前後擒獲將士皆遣放還自來禁戢

丹青苟或執迷寧免後悔王師所至軍政甚明不犯秋
 毫有如時雨百姓父老各務安居剽擄焚燒必命禁止
 云高麗國王昭加開府儀同三司檢校太尉依前使
 持節李暉為邠州節度使王潞州奏破河東賊軍于
 度使李暉為邠州節度使王潞州奏破河東賊軍于
 命節度使丑西南面行營都部署署王景奏收復鳳州獲偽
 顯德二年十一月乙卯赦秦鳳階成等州管內罪人自
 丁巳前邠州節度使折從阮卒已未刑州奏河東劉崇
 死王戊淮南前軍都部署李穀奏先鋒都指揮使白延
 遇破淮南賊十二月丙戌鄭仁誨薨五代史十二月丙
 于來遠鎮十二月丙戌鄭仁誨薨五代史十二月丙
 軍蓋萬為右監門上將軍丁卯淄州奏前中書侍郎同
 平章事景範卒庚午右金吾衛上將軍王守恩卒辛未
 安州奏盜殺防禦使張穎是日翰林學士承旨徐台符
 卒甲戌李穀奏防禦使張穎是日翰林學士承旨徐台符
 諫議大夫權知開封府事王朴為左散騎常侍充端明
 殿學士依前權知開封府事永興軍奏節度使劉詞卒
 已卯李穀奏破淮南賊千餘人于山口鎮丙戌樞密使鄭
 仁誨卒辛卯西南面行營都部署王景差人部送斬獲

偽鳳翔節度使王環至闕詔釋仍賜鞍馬衣服尋授
 右驍衛上將軍是冬命起居郎文舉徵殘租于宋州
 文舉本酷吏也宋民被其刑者凡數千冤號之聲聞于
 道路有悼耄之輩不勝其刑而死者數人蜀議以為不
 允敗蜀師于黃花谷秦成階三州以地來歸十一月王
 鳳州景範薨
 晉王崇薨

三年春正月增築京城玉海東京新城周回四十八里

之顯德二年四月展外城王朴主營度薛可高史儉蓋
 萬康彥環之徒司工築舉宋滑曹鄭之民十餘萬城之
 農隙興板築東作則罷陶穀為之頌三年彰信節度使
 韓通築畫塹錄周世祖展汴京外郭登朱雀門使太
 祖走馬以馬力庚子向訓畱守東京壬寅南征文獻通
 盡處為城也庚子向訓畱守東京壬寅南征文獻通
 康平吳記二卷陳氏曰周吏部尚書張昭撰世辛亥侍
 宗將討江南昭采晉武平孫皓事迹為書上之
 衛親軍都指揮使李重進及唐人戰于正陽敗之事東都

毛

李重進其先滄州人也周太祖之際累遷至武信軍節度使
晉天福中任為殿直漢周之際累遷至武信軍節度使
重進年長於世宗及太祖寢疾召重進受顧命令拜世
宗以定君臣之分世宗即位為侍御親軍馬步軍都虞
候從征高平以功領忠武軍節度使及進討太原為行
營馬步軍都虞候師還加同平章事改鎮歸德兼侍衛
及克壽州加侍中又改鎮天平世宗北征駐蹕瓦橋關
重進與諸將帥師而時關南已平矣恭帝嗣位徙鎮
淮南太祖建國加中書令移鎮青州始重進與太祖俱
事周室心憚太祖以鐵券賜之既即位陰有叛逆之志及移鎮
益疑懼太祖親以鐵券賜之重進欲入朝為左右所惑又
自以周室近親也遂反遣人求援於李景景懼不納及
聞太祖命石守信王審琦李處耘宋延渥四將率禁兵
討之削其官爵太祖曰朕於周室舊臣無所猜闕重進
不體朕心自懷反側今六師在野朕當暫往慰撫之遂
親征師次大儀頓石守信遣使言曰揚州破在旦夕願
陛下臨視太祖徑至城下即日拔之重進舉族自焚死
方重進反時有二子在京皆為宿衛太祖召而語之曰
汝父何苦而反江淮兵弱又無良將誰與其圖事者汝

五代史卷之三十一 李重進傳

速乘傳往諭之吾不殺汝也二子戰汗泣涕而去重進
方與諸軍議事忽二子至具道太祖之言重進大駭士
卒聞之遂皆向背之意既而王師壓境重進不知所
為遂赴火始重進遣其親吏翟守珣往潞州陰結李筠
守珣素識太祖往來京師潛告樞密承旨李處耘求見
太祖太祖召問曰我欲賜重進鐵券彼信我乎守珣曰
重進久蓄反謀必無歸順之分吾太祖厚賜守珣令說重
進緩其謀無令二兇並作分吾兵勢守珣歸勸重進養
威持重未可輕發重進信之及李筠誅重進反甲寅重
悉如太祖之策及不受鐵券亦如守珣所言云甲寅重
進為淮南道行營都招討使乙未朔帝不受朝賀前司

五代史卷之三十一 李重進傳

空蘇禹珪卒丁酉李穀奏破淮賊于上窑戊戌發丁夫
十萬城京師羅城庚子詔取此月八日幸淮南殿中監
馬從贇免所居官坐乾沒外孫女霍氏之貲產為人所
訟故也辛丑以宣徽南院使向訓為權東京留守以端
明殿學士王朴為副留守寅車駕發京師丁未李穀
奏自壽州引軍退守正陽辛亥李重進奏大破淮賊于
正陽斬首二萬餘級伏尸三十里臨陣斬賊大將劉彥
貞生擒偏將咸師朗已下獲戎甲三十萬副馬五百匹

五代史卷之三十一 李重進傳

先是李穀駐軍于壽春城下以攻其城既而淮南援軍大至乃與將佐謀曰賊軍舟棹將及正陽我師無水戰之備萬一橋梁不守則大軍隔絕矣不如全師退守正陽浮橋以俟鑾輅諸將皆以為然遂燔其糧草而退軍迴之際無復嚴整公私之間頗多亡失淮北役夫亦有陷于賊境者帝聞之急詔侍衛都指揮使李重進率師赴之時淮賊乘李穀退軍之勢發戰棹數百艘沿淮而上且張斷橋之勢彥貞以軍之勢列陣而進李重進既至正陽聞淮軍在近率諸將渡橋而進與賊軍遇重進等合勢擊之一鼓而敗之殺獲之外降者三千餘人皆為我將趙晁所殺甲寅車駕至正陽以侍衛都指揮使李重進為淮南道行營都招討使命宰臣李穀判壽州行府事乙卯車駕渡淮丙辰至壽州城下營於城北淝水之陽詔移正陽浮橋於下蔡庚申耀兵於城下壬戌今上奏破淮賊萬餘眾於渦口斬偽兵馬都監何延錫等獲戰船五十艘春明退朝錄云家有范魯公雜錄記世宗親征忠正駐蹕城下中夜有白虹自淝水起亘數丈下貫城中數刻方沒清異錄蘇司空禹珪薨百官致祭侍御史何澄撰版文曰漆至永闕沙府先成禮畢余問沙府之說曰自隧道至窆

陰雨泥滑名沙府 二月丙寅幸下蔡浮橋壬申克滁州

甲戌李景來求成不答壬午景使其臣鍾謨來奉表丙

戌取揚州辛卯取泰州 五代史二月丙寅幸下蔡斬前

左坐橋道不謹也朗州節度使王進達奏領兵入淮南界戊辰廬壽巡檢使司超奏破淮賊三千餘于盛唐獲都監偽吉州刺史高弼以獻詔釋之兵部尚書張昭奏準詔撰集兵法分爲十卷凡四十二門之爲制旨兵法上之優詔褒美仍以器幣賜之壬申今上奏破淮賊萬五千于清流山乘勝攻下滁州擒偽命江州節度使充行營應援使皇甫暉常州團練使充應援都監姚鳳以獻甲戌江南國主李景遣泗州牙將王知朗齎書一函至滁州本州以聞書稱唐皇帝奉書于大周皇帝其畧云願陳兄事永奉鄰歡設或俯覽遠圖下交小國悉班卒乘俾父蒼黔慶維犬之相聞奉瓊瑤以爲好必當歲陳山澤之利少助軍旅之須虔侯報章以聽高命道塗朝坦禮幣夕行云書奏不答乙亥今上繫送所獲江南二將皇甫暉姚鳳至行在詔釋之壬午江南國主

李景遣其臣偽翰林學士戶部侍郎鍾謨偽工部侍郎
文理院學士李德明等奉表來上叙願依大國稱臣納
貢之意仍進金器千兩錦綺綾羅二千匹及御衣犀帶
茶茗藥物等又進犒軍牛五百頭酒二千石是日賜謨
等錦綺綾羅二百匹銀器一百兩襲衣金帶鞍馬等丙
戌侍衛軍軍使徐象等一十八人來奔庚寅朗州城內
左神衛軍使徐象等一十八人來奔庚寅朗州城內
王進遠上言領兵入鄂州界攻長山砦殺賊朗州節度使
衆辛卯今上表偽命天長軍都指揮使韓合坤上言秦州
糧草二千餘萬侍衛軍都指揮使韓合坤上言秦州
降癸巳荆南上言朗州節度使王進遠為帥行逢至朗州斬叔嗣
所殺遣人詣潭州請周行逢為帥行逢至朗州斬叔嗣
于三月庚子內外馬步軍都軍頭袁彥為竹龍都部署
是月取光舒常州原注書是月見取三州不同日超奏
光州偽命都監張承翰以城歸順尋授承翰集州刺史
庚子文武百寮再上表請聽樂詔允之行舒州刺史郭
令圖奏收下舒州江上表請聽樂詔允之行舒州刺史郭
士一百五十人至行在其軍即蜀軍也秦鳳之役為王

五代史卷之三十一 周本紀

師所擒配隸諸軍及渡淮輒復南逸帝怒其奔竄盡戮
之丙午江國主李景遣其臣偽司空孫晟偽禮部尚
書王崇質等奉表來上仍進金一千兩銀十萬兩羅綺
二千匹又進賞給將士茶絹金銀羅帛等庚戌兩浙奏
遣大將率兵攻常州延州留後李彥頽奏蕃衆與部民
為亂尋與兵司都監闞綰殺獲其酋帥高闞兒等十
人磔于市彥頽本賈人也貪兩好利蕃漢之民怨其侵
刻故至于市彥頽本賈人也貪兩好利蕃漢之民怨其侵
步方艱巢蔡喪亂之餘朱李戰爭之後中夏多故六紀
于茲海縣瓜分英豪鼎峙自為聲教各擅丞黎連衡而
交結四夷乘釁而憑陵先上國華風不競否運所鍾凡百
道不方于往古然而擅承先訓恭荷永圖德不迫于前王
兵且農戰交脩士卒樂用思報累朝之宿怨刷萬姓
之包羞是以踐位已來懷安不暇破幽并之巨寇收秦
鳳之全封兵不告疲民有餘力一昨迴軍隴上問罪江
于我實有辭咎將誰執朕親提金鼓尋渡淮淝上順天
心下符人欲前鋒所向彼眾無遺棄甲僵屍動盈川谷
收城徇地已過滌陽豈有落其爪牙折其羽翼潰其心
腹扼其吭喉而不亡者哉早者泗州主將遞送到書一

五代史卷之三十一 周本紀

函尋又使人鍾謨李德明至齋所上表及貢奉衣服腰帶金銀器幣茶藥牛酒等今又使人孫晟等並到行朝觀其降身聽命若斯但以奮武與戎所以見機不俟終日苟非達識孰能若斯但以奮武與戎所以見機不俟終日苟義所以懷遠人五帝三王盛德大業恒用此道以正萬邦朕今躬統戎師龔行討伐告于郊廟社稷詢于將相公卿天誘其衷國無異論苟不能恢復內地申畫邊疆便議班旋真何戲劇則何以先南宗之烈厭庶壽濠匪獨違天兼且涕眾但拉朽焚枯其餘數城非足介意黃大軍悉集指期剋日為大國之提封猶是遠圖豈同迷必若盡淮甸之土地悉遣放還江北軍民並當畱住免復如此則江南吏卒悉遣之情至于削去尊稱願輸臣禮違物類之性俾安鄉土之遺情至于削去尊稱願輸臣禮非無故事實有前規蕭管奉周不附庸之道孫權何爽魏自同藩國之儀古也雖然今則不取但存帝號何爽歲寒儻堅事大之心終不迫人于險事資真懃辭匪枝游侯諸郡之悉來即大軍之立罷質于天地信若丹青我自茲絕竊以陽春在候庶務縈思願無廢于節宣更自期于愛重音塵非遠風壤猶殊翹想所深勞于夢寐又

賜其將佐書曰朕自類馮出師麾旄問罪絕長淮而電擊指建業以鷹揚旦夕之間克捷相繼至若兵興之所自釁起之所來勝負之端倪戎甲之次第不勞盡論必想具知近者金陵使人繼來行闕追悔前事委質大朝非無謝咎之辭亦有罷軍之請但以南邦之土地本中夏之封疆苟失克復之期大率朝野之望已與是役固不徒遷必若自淮以南畫江為界盡歸中國猶是遠圖所云願為外臣乞比湖浙彼既服義朕豈忍人必當別議封崇待以殊禮凡爾將佐各盡乃心善為國家之謀勉擇恒久之利初李景濠李德明奉表至行闕于大朝帝志在盡取江北諸郡不允其請使人見王師急攻壽陽李德明奏曰願陛下寬臣數日之誅容臣自往江南取本國表盡獻江北之地帝許之乃令李德明往崇質齋此書以賜李景濠東都事畧王審琦字仲寶河南人也漢乾祐初得隸周太祖帳下為鐵騎指揮使世宗征劉崇以功領勤州刺史審琦沉毅善謀所至有政績世宗征淮舒州堅壁不下以郭琦令圖為刺史命審琦司超將兵攻城一夕拔之合圖入復見逐於郡人審琦方進軍援黃州聞令圖被逐乃選輕騎銜枚襲城夜敗

其衆而復納之遂以兵破紫金山世宗圍濠梁審琦先
拔其水砦乃降及攻楚州審琦謂城陷淮人必遁因設
伏以待之果如其言審琦夏四月常泰州復入于唐
仕周累遷至睦州防禦使夏四月常泰州復入于唐
史夏四月甲子以徐州節度使武行德為濠州城下
營都部署署以前鄧州節度使侯章為壽州城下水砦
部署已車駕發壽州春循淮而東辛未揚州奏江南大
破兩浙軍于常陸州初兩浙錢俶承詔遣部將率兵攻常
州為江南大將陸孟俊所敗將佐陷沒者甚眾李景亦
以表聞乙亥駐蹕于濠州城下丁丑揚州韓合坤破江
南賊軍于東境獲夫將陸孟俊今上表大破江南軍
于六合斬首五千級時李景乘常州之捷遣陸孟俊領
兵迫泰州王師不守韓合坤欲棄揚州而迴帝怒急遣
殿前都指揮使張永德帥親兵往援之又命今上領步
騎二千人屯于六合俄而陸孟俊領其徒自海陵抵揚
州合坤迎擊敗之生擒孟俊李景遣其弟齊王達率大
眾由瓜步濟江距六合舍而設柵居數日乃棄柵來
迫官軍今上麾兵以擊之賊軍大敗餘眾赴江溺死者
不可勝紀已卯韓合坤奏敗楚州賊將馬在貴萬餘眾
于灣頭堰獲漣州刺史秦進崇丙戌以宣徽南院使向

訓為權淮南節度使充松江招討使以侍衛馬軍都指
揮使韓令坤充江副使馬希崇為左羽林統軍幸渦
口已丑以前湖節度使馬希崇為左羽林統軍幸渦
神錄周顯德乙卯歲偽漣水軍使秦進崇脩城發一古
冢棺槨皆腐得古錢破銅鏡數枚復得一餅中更有一
餅黃質黑文成隸字云一雙青鳥子飛來五兩頭借問
船輕重寄信到揚州其明五月乙卯至自淮南唐書天
年周師代吳進崇死之五月乙卯至自淮南唐書天
子駐于渦口猶欲再幸揚州宰赦京師囚五代史五月
相范質以師老泣諫乃班師發渦口乙卯上至自淮南
口為鎮淮軍戊戌車駕還京發節度使王令溫卒戊午
詔赦都下見禁罪人于已陳州節度使馮延魯為太府卿
以江南偽命東都副留守辛酉詔天德三年五月得輕
及諸色匹段幅尺斤兩並須依向來制度不得輕綺及
僞犯者擒捉送官五代會要顯德三年五月得輕綺及
下今後公私織造緞帛紬布綾羅錦綺及諸色疋帛
其幅尺斤兩並須合向來制度不得輕弱假偽罔冒取
價如有物色以上等限一百日內並須破貨了絕如限
外敢有違犯織造貨賣者仰所在節級所由擒捉送官

六月壬申德音赦淮南囚五代史六月甲子鳳翔節
 西面沿邊都部署以宣徽南院使陳州節度使向訓為
 淮南節度使依前南院宣徽使加檢校太尉以曹州節
 度使韓通為許州防禦使遙領利州昭武軍兩使留後丙
 寅許州王彥超移鎮永興軍鄧州田景成移鎮鄜州御
 史中丞楊昭儉知雜侍御史趙礪侍御史張紉並停任
 坐鞫獄失實也下卯以翰林學士戶部侍郎陶穀為兵
 部侍郎充翰林院學士承旨以翰林學士外郎知制誥扈
 載度支員外郎王著並本官充翰林學士薛居正為左
 防為右散騎常侍以前都官郎中知制誥薛居正為左
 諫議大夫充昭文館學士判館事壬申曲赦淮南道諸
 州見禁罪人自今年六月十一日以前凡有違犯無輕
 重並不禁窮問先屬江南之時應有非理科徭無名配率
 一切停罷云戊寅以右衛上將軍扈彥琦為太子太師
 致仕庚辰以西京留守王晏為鳳翔節度使戊子升瞻
 國軍為濱州淮南道招討使李重進奏壽州賊軍攻南
 砦王師不利先是詔步軍都指揮使李繼勳營于壽州
 之南攻賊壘是日賊軍出城來攻我軍破柵而入其攻

城之具並為賊所焚將士死者數百人李重進在東砦
 亦不能救時城堅未下師老于外加之暑毒糧運不繼
 李繼勳喪失之後軍無固志諸將議欲退軍賴今上自
 六合領兵歸闕過其城下因為駐留旬日王師復振
 秋七月皇后崩揚光舒滁州復入于唐五代史秋七月
 軍節度使知潭州軍府事周逢為朗州大都督充武
 平軍節度使加檢校太尉兼侍中丁酉以太子賓客盧
 價為禮部尚書致仕以給事中李明為大理卿庚子廬
 州行營都部署劉重進奏破淮賊千餘人于州界丁未
 濠州行營都部署武卒辛亥皇后符氏薨淮南節度使
 戊太子太保王仁裕卒辛亥皇后符氏薨淮南節度使
 向訓自揚州班師迴駐壽州復為吳人所據故棄揚
 江淮盜賊充斥舒蘄和泰等州復為吳人所據故棄揚
 州併力于八月乙丑課民種木及菲五代史八月壬戌
 壽州張澤移鎮河中甲子以前鄧州節度使侯章復為
 涇州節度使以侍衛步軍都指揮使彰信軍節度使李
 鄧州節度使以侍衛步軍都指揮使彰信軍節度使李
 繼勳為河陽節度使乙丑太僕卿劇可久停任坐為舉
 官累也戊辰端明殿學士王朴撰成新歷上之命曰顯

五代史記卷之三十一
 周本紀
 三

德欽天歷上親為製序仍付司天監行用殿前都指揮使張永德奏破淮賊于下蔡先是江南李景以王師猶在壽州遣其將林仁肇郭廷謂率水陸軍至下蔡欲奪浮梁以舟實薪芻乘風縱火永德禦之有頃風勢倒指賊眾稍卻因為官軍所敗已卯工部侍郎王九月丙午敏停任坐薦子壻陳南金為河陽記室也

端明殿學士左散騎常侍王朴為尚書戶部侍郎樞密

副使五代史九月丙午以端明殿學士左散騎常侍權

以右羽林統軍焦繼勳為左屯衛上將軍以左衛上將

軍楊信為右羽林統軍以左監門上將軍宋延渥為右

神武統軍冊府元龜三年九月廣政殿上壽如儀冬

武臣寮衣有差宰臣率百官詣廣政殿上壽如儀冬

十月辛酉葬宣懿皇后于懿陵宣懿皇后于懿陵癸亥

以右神武統軍宋延渥為廬州行營副都署乙丑舒州

刺史郭令圖責授號州教練使坐棄郡逃歸也丙寅詔

日諸司職員皆係奏補當執役之際悉藉公勤及聽選

之時尤資幹敏苟非慎擇漸至因循應諸司寺監今後

收補役人並須人材俊利身言可採書札堪中自前行

止委無訛監勒木司官送吏部引驗人材考校筆札其

中選者連所試書跡及正身引過中書餘從前後格勅

處分仍每年祇得一度奏補丁卯宣懿皇后神主入廟

時有司請為后立別廟禮也巳詔彰河已北郡縣並

許鹽貨通商逐處有鹹鹵之地任人煎煉壬申以

武平軍節度副使知潭州軍府事癸酉淮南招討使李重進奏破淮

賊于盛唐斬二千級太子賓客致仕薛仁謙卒丙子襄

度使知潭州軍府事癸酉淮南招討使李重進奏破淮

賊于盛唐斬二千級太子賓客致仕薛仁謙卒丙子襄

琦鎮漢上十餘年至是來朝故以命寵之癸未右拾遺

趙守微杖一百配沙門島守微本村民也形貌樸野粗

學為文前年徒步上書帝以急于取士授右拾遺聞者

駭其事至是為妻父所訟彰其醜行故逐之甲申宣授

今上同州節度使兼殿前都指揮使宣授內外馬步軍

都軍頭袁彥為曹州節度使兼侍衛步軍都指揮使戊

子右神武統軍張彥超卒王海後周顯德十一月庚

三年十月立二稅限夏以六月秋以十月十一月庚

寅廢諸祠不在祀典者五代會要三年十一月詔廢天

下淫祠仍禁擅興祠宇如有功

五代史記卷之三十一 周本紀

五代會要三年十一月詔廢天

下淫祠仍禁擅興祠宇如有功

五代會要三年十一月詔廢天

下淫祠仍禁擅興祠宇如有功


績灼然合建置廟乙巳殺李景之臣孫晟原注書殺景
貌者奏聽勅裁臣而不書景
死蓋己深罪周殺忠臣則晟之死節自著五代史十
一月己丑朔詔廢天下無名祠廟庚子日南至帝不受
朝賀以宣懿皇后遷祔日近也乙巳江南進奉使孫晟
下獄死江南進奉使鍾謨責授耀州司馬戊申放華山
隱者陳搏歸山帝素聞搏有道德徵之赴闕月餘放還
舊隱庚戌殿前都指揮使張永德奏敗濠州送糧軍二
千人于下蔡奪米船十餘艘宰臣李穀以風痺請告十
旬三上表求解所任不允十一月已未朔以給事中張
鑄為光祿卿許州節度使韓通兼侍衛馬步軍都虞候
寺事辛酉以許州節度使韓通兼侍衛馬步軍都虞候
壬戌以右領軍大將軍權判三司張美領三司使壬申
以滑州節度使兼殿前都指揮使駙馬都尉張永德為
殿前都點檢發陳蔡宋毫潁曹單等州丁夫城下蔡辛
巳故襄邑合劉居方贈右補闕男士衡賜學究出身獎
廉吏也癸未詔兵部尚書張昭纂脩太祖實錄及梁均
王唐清泰帝兩朝實錄又詔曰史館所少書籍宜令本
館諸處求訪補填如有收得書籍之家並許進書人據
部帙多少等第各與恩澤如是卷帙少者量給資帛如

館內已有之書不在進納之限仍委中書門下於朝官
內選差三十人據見在書籍各求真本校勘署校官姓
名逐月具功課申報中書門下戊子淮南道招討使李
重進奏破淮賊二千入場山北五代會要顯德三年
十二月敕太祖實錄并梁均帝唐清泰二主實錄宜差
兵部尚書張昭脩其同脩撰官委張昭定名奏請五
代春秋丙辰三年正月廣京師外城壬寅帝南征李重
進帥師敗吳師于正陽甲寅帝次正陽吳王來貢方物
五月乙卯帝至自南征七月皇太后符氏崩五代史補
陳搏陝西人能為詩數舉不第慨然有塵外之趣隱居
華山自是其名大振世宗舉之在位也隱四方未服思欲
牢籠英傑且以搏會踐場屋不得志而隱必奇才遠許
畧於是召到闕下拜左拾遺搏高謝人寰栖心物外養
之未幾賜之書勅陳搏朕以汝高謝人寰栖心物外養
太皓自然之氣應少微處士之星既不屈於王侯遂隱
居於岩壑樂我中和之化慶乎下武之期而能遠涉山
涂暫來城闕浹旬延遇宏益居多白雲暫駐於帝鄉好
爵難縻於達士昔唐堯之至聖有巢許為外臣朕雖寡
薄庶遵前鑒恐山中所關已令華州刺史每事須宜
反故山履茲春序緬懷高尚當適所宜故茲撫問想宜

知悉卽陶穀之詞也初搏之被召嘗爲詩一章云草澤
吾皇詔圖南搏姓陳三峯十年客四海一閑人世能從
來薄詩情自得真超然居物外何必
使爲臣好事者欣然謂之答詔詩



五代史記卷第十二上



70018438

